




庾林卷之八

論胡

王褒

胡元瑞上壺遐覽云漢有王褒一字子淵武帝時人即上聖主得賢臣頌者末謂奚必偃仰屈伸若彭祖吹呀呼又加喬松哉蓋諷武帝之學仙其識趣非道家者流也一字子登武帝時人過華山異人得道至玉屋山號清虛真人然



田周

嬰

方

叔纂

撰



後漢郊祀志又有王褒姓名非武元二帝以文學道術顯者是漢自有三王褒也又後周王褒字子淵亦能文章工詩、藪曰北周文士王褒為冠西漢王褒同姓名同以才學顯世所共知以予考之古今有五王褒一唐人字士元亦能文即補傳元倉子者一見漢郊祀志一見神仙通鑑

論曰漢書宣帝時修武帝故事益州刺史王褒奏王褒有款才上詔謂聖主得賢臣頌云、是時上

頗好神仙故褒對及之本傳甚明胡氏以為諷武帝誤哉又漢書為郊祀志東漢西稱祭祀志云後漢郊祀志何邪郊祀志云神爵時遣諫大夫王褒持節求金馬碧雞之神此即子淵傳中語惟五行志成帝綏和二年鄭通里男子王褒衣絳衣帶劍入北司馬門上前殿入非常室中解帷組結佩之則又一王褒耳三洞珠囊曰王褒字子登前漢王陵七世孫服青精餹飯超步峻峰如飛鳥無津梁直渡積水又服雲碧晨飛丹腹視見甚遠太上大

道君賜王君素明瓊玕紋丹錦旌號清虛真人神仙傳同茅君傳曰清虛王真人漢元帝時辭家入華陰山九年又登陽洛山平帝時修行道成太上賜錦旌為太素清虛真人又集仙錄茅盈字叔申王褒字子登張道陵字輔漢皆朝王母于崑陵之闕按既云前漢陵七世孫又云元帝時道成又云与道陵同時則非武帝時人也但周書王褒字子淵為梁元帝尚書左僕射江陵陷入長安仕周封石泉縣子然梁書作字子漢也魏時亦有一王褒

博物志文帝黃初三年武都西都尉王褒獻石膽二十斤晉時更有二王褒王隱晉書曰王褒字偉元少立操尚以父儀為司馬文王所殺絕世不仕霍原傳云原与王褒等同以賢良徵也晉書又曰元帝鄭夫人妹適長沙王褒帝名為尚書郎隋亦有一王褒北史宇文述討蕭瓛遣王褒守吳州述遣兵襲褒衣道士服棄城遁按胡氏得五子得其八而路史發揮曰王褒有十一人九見前錄一漢鑛治工見孝成鼎一真人自有內傳

洪崖先生

玉壺遐覽曰洪崖先生傳云洪崖先生者或云黃帝之臣伶倫也得道仙去姓張字堯時已三千歲矣陶弘景真誥云洪崖先生今為青城洞真故青城山有洪崖洞司馬天師五岳朝儀云青城山洞周圍二千里皆洪崖先生服琅玕花隱去代為青城真人據此則古洪崖治青城山甚明然傳又云洪崖山在豫章之西山有仙壇臨井上為洪崖煉丹處五春白色渥如丹各圓

深二尺餘為洪崖煉丹臼則又似言豫章何耶蓋青城為古洪崖所理無疑而豫章則唐張氲先生隱處也或疑洪州是開皇時改號在唐前然則豫章固舊有莽山張氲隱焉而井臼則氲之遺跡無惑也設帝堯堯前安有張姓其謂張姓者斷因唐之洪崖而訛矣

論曰雷次宗豫章記曰厭源山西北余侯村五六里有洪井俗說洪崖先生之井又謝莊有遊豫章觀洪崖井詩水經注曰散原山西北五六里有洪

井飛流懸注其深無底舊說洪崖先生井也西有
鸞岡洪崖先生乘鸞所憩泊也梁元帝吳平侯誌
曰遷豫章內史洪井鸞峰甘露歲下簫崖鶴嶺連
理成陰古洪崖托迹豫章審矣安得以井曰厲唐
人按集仙錄晉武帝時豫章吳猛許遜居洪崖山
築壇立靜傳所云仙壇臨井者豈吳許所築乎而
太平廣記引逸史萬年縣南山有洪崖澗則不止
青城厭源也又真誥曰吞琅玕之華而方營邱墓
者洪崖先生也洪崖先生墓在武威姑臧孫縣則

姑臧又為先生尸解地安往不化何必青城哉然
郭有道碑云將蹈鴻涯之遐跡陶邱一薦管寧曰
追述洪崖參蹤集許則似為隱士西京賦曰洪涯
立而指麾薛綜曰三皇時伎人則祇為伶官與升
仙者豈別一人乎陳子昂詩序曰鸞鳥篇者晉人
洪崖子作也洪崖子矯迹汾水乘白驢衣羽褐云
云按張盩在晉州神山縣洪州大疾疫盩來施藥
病者立愈玄宗驛名之果盩也常服紅蕉衣跨白
驢此與伯玉所叙合盩時一至豫章耳安用煉丹

井曰為然能和墨洒翰則張洪崖亦一文人

王喬

玉壺遐覽曰王喬尤易舛清古今未有了此者
楊用修王元美庖言俱以為有二人余別攷得
三人自謂足抵近復憶之誤也仙家王子喬傳
子喬即太子晉字子喬一云名喬字子晉遇浮
邱公授以至道于緱山乘鶴上昇時人觀者咸
曰王子登仙遂言曰王即吾姓因遂稱王子喬
并葉縣為令飛鳥之王喬柏人為令食芝之王

喬其為三人無疑余舊嘗載之史書占畢中然
三代前以子系字者尚希而是時即太子亦稱
王子其為王子喬者猶云太子晉耳未必字為
子喬也既周太子自應姬姓何得以為氏王傳
中王即吾姓之云蓋不得王子二字之義而強
為不說以傳會之耳今詩家稱子晉者亦非二
王喬條載于後參閱自明
王喬河東人也漢明帝時為尚書郎出為葉縣
後天下玉棺于堂前吏人推排終不搖動喬曰

天帝獨名我耶乃沐浴服飾寢其中蓋便立覆
宿昔葬城東自成墳其夕縣中牛皆流汗喘乏
而人無知者百姓為立廟號葉君祠吏人祈禱
無不如應

元瑞上言飛鳥而此乃不紀錄疎也按後漢書
喬為葉令每朔望自縣詣臺朝帝怪其來數而
不見車騎令太史伺望之言其臨至輒有隻鳥
從東南飛來舉羅張之但得一隻鳥則四年所
賜尚書官屬履也每當朝時葉門下數不擊自

鳴聞于京師

王喬樾為武陽人也武陽有北平山在益州南
一百四十七里高一千二百丈上有白蝦蟇謂
之肉芝食者長生非仙材靈骨莫能致也喬好
道望山朝拜積十餘年登山感致因得食之身
輕力倍行及走馬後為栢人令遂于東嶧山得
道今武陽有喬仙祠王喬有三同姓名有太子
晉王喬有葉令王喬食肉芝王喬乃蜀中神仙
也又見太平廣記其謂三人亦不詳改王子喬

非王姓也。名疑云。即封禪書王伯僑。麟按。封禪書作正伯僑。非王姓。

又御覽劍解門引道經云。王子渤海之家。劍鳴空。柳王喬景陵之墓。劍飛冲霄。王子者。魯詣鐘山。獲九化。十變。經以隱遁。日月遊行。星辰後一。旦疾終。營冢。渤海山。夏。襄時。有發王子墓者。一劍在此。寢上。自作龍鳴。人無敢近。後亦失所之。王子喬墓在景陵。戰國時。復有發其墓者。見一劍。人遠。欲取。視其劍。忽然上飛去。王子喬事舊

說浮邱公。攜与垂。鶴共登嵩山。此事又不同。解化時。年正十五六。云。按此。子喬劍解事。頗新。僻。孟著之所稱。王子不知何人。其劍解亦与子喬相亂。不可不知。路史云。王子喬名超。古字開山。尤為奇僻。并附載。

論曰。蔡邕集有王子喬碑云。王孫子喬者。上世之真人也。聞其仙。舊矣。不知其于何代。博問道家。或言。潁川武。言產蒙斯邱。傳曰。王氏墓。永和元年。臘夜。上有爇声甚哀。附居者登而察焉。洪雪下。無人。

跡見一大鳥跡後有人絳衣大冠呼樵孺子尹禿
曰我王子喬也。尔勿復取吾先人墓前樹也。忽不
見碑詞但稱其乘螭駕鶴並不及監撫世榮水經
言冢在梁國蒙縣碑題云仙人王子喬碑正載中
郎文稽周室墳陵無在梁國者而此子喬姓王固
非王子晉也。高允王子喬行曰王少卿王少卿起
升飛龍翔天庭少卿必子喬字此亦姓王者王逸
楚辭注曰崔文子學仙于王子喬子喬化為白蜺
而持葉与文子文子驚怪引戈擊蜺中之因墮其

葉俯而視之王子喬之尸也。置之室中覆以敝篋
須臾而化為大鳥開而視之翔飛而去。蓋王子喬
已有三矣。真誥衆真集洞宮有桐栢真人領五嶽
司侍帝晨王子喬注曰此稱真人之字也。則元瑞
疑未必字子喬者。殆未及耳。文選別賦注引南越
志曰長沙郡劉陳東有王喬山。有合丹處杜氏
通典曰昆陽城有古墓。有在東俗云王喬墓也。斯
復不知何真當与栢人葉合。又別一人則王喬亦
有三也。雖然葉合當顯宗時栢人合未審在何世

顧為令長則亦漢中葉矣。屈平遠遊日，吾將從王喬而娛戲。賈誼惜誦曰：乃至少原之野，分赤松主。喬皆在旁。淮南子曰：喬王赤松子吹嘔呼吸，上通雲天。又曰：王喬赤松吸陰陽之和，食天地之精，蹠虛輕舉，乘雲遊霧，屈生戰國之世，二子皆產漢初。所稱果何指也？蔡澤說應侯曰：世世稱孤而有喬松之壽，注曰：喬王子晉，松赤松子。案汲冢周書師曠謂子晉曰：汝聲清，汗汝色赤白，大色不壽。子晉果十七而卒。秦去髡王未遠，傳聞宜真。乃云喬之壽何也？且亦未聞子晉之吐故納新，馳慕方術者。以王喬即子晉，豈彭殤可齊乎？而諸叙王喬者皆與赤松並稱，且不云松喬而云喬松，予意必先赤松而出者疑。上古已有一王喬，而書傳不詳其事耳。武陽王喬太平廣記無之，胡氏誤也。御覽所引道經蓋出真誥，真誥曰：王子者帝侖也。曾詣鍾山，獲九化十變，經以隱遁，日月遊行星辰，後一日疾崩。營冢在渤海山，夏中衰時有發王子墓者，室中無所有，唯見一劍在北，寢上自作龍鳴虎嘯之聲。

人遂無敢逐者後亦失所在也帝信則堯父王子喬墓在京陵戰國時復有發其墓者惟見一劍在人正欲取視忽飛入天中也按此則營墓渤海者當作玉子非王子也玉子即帝譽名號亦奇御覽字多譌

王儵王子喬

楊用修云史記封禪書注引裴秀冀州記云緱氏仙人廟者昔有王儵捷為武陽人為栢人令于此登仙非王子喬也唐詩王子求仙月滿臺又云可憐緱登仙子猶自吹笙醉碧桃蓋世以王儵為王子喬誤也久矣

元瑞新錄曰史記封禪書宋毋忌王伯儵充尚羨門子高索隱注司馬相如云王伯儵古仙人下復引裴秀記緱氏仙人廟者昔有王喬云云余案史記王伯儵自是一仙人名注再引王喬已誤然裴記王喬二字偏傍無立人用儀條作儵字從人蓋因史之王伯儵而誤也藝苑卮言云仙人有兩王喬其一即太子晉其一栢人令

天降玉棺者也此与用修說同但楊說加偏傍耳

嬰按天降玉棺者是葉縣令非栢人令也元瑞何不彈駁且用修說与王不同

余意王喬為太子者沒冢書師曠稱晉為王子故樂府稱王子喬非姓王氏也喬當是晉別名唯為葉縣令而飛鳧与為栢人令而食芝者則名姓俱同又為同令最易相亂王子喬斷當從余此說余向以為三王喬亦襲取舊時之說未

安

諺曰疾忌哀時命曰比王喬而為耦王褒頌曰嗚呼呼吸如僑松顏師古曰注僑王喬仙人也大人賦廝征伯僑而役羨門張揖曰伯僑仙人王子僑也師古曰仙人姓征名伯僑非王子僑也劉向九歎譬若王僑之乘雲兮載赤霄而凌太清又曰驅子僑之奔走王逸曰子僑王子僑也王莽傳仙人掌旁有白頭公青衣莽曰是乃予之皇祖叔父子僑欲來迎我也偏傍作立人多有之矣作僑亦何

害也獨尋劉向列仙傳王子喬者周靈王太子晉也
也好吹笙作鳳凰鳴遊伊雒間後見桓良曰告我
家七月七日待我于緱氏山顛至時果乘白雀駐
山頭舉手謝時人而去遂立祠于緱氏山下相人
今復于此登山而立廟于麓何事之巧合若是高
誘淮南注曰王子喬蜀武陽人為相人今得道而仙
華陽國志曰犍為郡北接蜀郡王喬升其北山又
曰武陽縣有王喬祠郡國志武都西有王喬谷即
王喬隱處谷有王喬堂歲常祀之則相人今乃于
桑梓登遐而顏氏家訓曰相人城東北有一孤山
俗呼壻務山城西門碑是漢桓帝時相人民為縣
令徐整立銘云土有壻務山王喬所仙又北夢瑣
言韓定辭為鎮州王鎔書記聘燕幕客馬或贈
曰別後壻務山上望羨君時復見王喬則是子官
遊飛舉裴秀謂在緱山亦誤也然則唐詩所云緱
嶺吹笙正指子晉以為相人今殆見其流而未溯
其源耳至其人之同異野客叢談引類說亦謂有
三皆未脩也

楊泉

胡元瑞九流緒論云太玄經十四卷晉楊泉撰
鄭氏通志畧作太玄蓋泉以子雲同姓故此書
亦擬子雲而作也今第馬氏意林所鈔百餘言
存馬氏注云梁國楊泉字德淵而不言何時鄭
藝文畧及隋藝文志俱云晉人唯舊唐書作唐
人然唐人諱淵泉字德淵其為晉人無疑舊唐
書字誤也馬氏意林又有物理論十六卷所采
頗衆而不題名字按隋志亦泉所撰韓非鄧析
流也

論曰北堂書抄引晉錄會稽相朱則上書言楊泉
清操自立徵聘終不移心詔拜泉郎中隋經籍志
晉處士楊泉集二卷在薛瑩下閩鴻上是吳人而
入晉者物理論屢稱傳子蓋與休奕善也藝文類
聚又載楊泉賦數首皆稱吳時人

衛元嵩

胡元瑞四部正譌曰元命包四卷周衛元嵩述
本緯書春秋孝經各有元命包故好事勦為此

書而附諸大易其文率學太玄用字奇僻過之
厥義則甚淺此書崇文總目稱唐衛元嵩通志
通考並因之按元嵩後周人所撰述有齊三教
論七卷見通志又隋志釋氏類稱蜀郡沙門衛
元嵩上書言僧徒猥濫周武帝下詔一切廢毀
即其人也而王堯臣以為唐人考唐世諸傳記
絕無名姓同者其誤瞭然此書楊楫本序以元
嵩獻策後周賜爵蜀郡公武帝尊禮不敢臣之
頗與隋志合必元嵩先為沙門後還俗上書請

汰僧徒故周武亟暴顯之以風天下序稱元嵩
有傳考北史無之恐楊楫誤也

論曰續高僧傳釋衛元嵩成都人少出家至京上
廢佛法事自此還俗周祖納其言嵩制千字詩並
符讖緯事後知之據此則與元瑞所疑先為沙門
後還俗者合然元嵩乃上書而後還俗非還俗而
始上書也廣弘明集云衛元嵩本河東人遠祖從
宦遂家于蜀梁末為益州野安寺僧佯狂浪宕周
氏入蜀因尔入關天和二年上書請造平延大寺

夫平延寺者無選道俗因擇親疏以城隍為寺塔
即周主是如來用郭邑作僧坊和夫妻為聖衆推
令德作三綱尊者為上座選仁智充執事求勇
畧作法師行十善以伏未寧示無貪以斷偷劫是
則六合無怨紂之聲八荒有歌周之詠嵩此上言
則具佛法而安國家非滅三寶而危百姓也有十
五條總是事意勸行平等非滅佛法此與隋志又
異文獻通考衛元包十卷崇文總目元嵩唐人武
功蕪源明道傳趙郡李洪注包以坤為首因八純
之宮以生爻極於六十四自繫其辭言外卦体不
設爻位以謂易首乾尚文包首坤尚質連山商歸
藏周易唐包其實一也困學紀聞云館閣云書目
周易元包十卷唐衛元嵩撰今按楊楫序云元嵩
益州成都人明陰陽曆弄獻策後周賜爵持節蜀
國公武帝尊禮不敢臣之北史藝術傳衛元嵩好
言好來事不信釋教嘗上疏極論之書目以為唐
人誤矣嬰又考元嵩書頗行於世但號元包不云
元命包也通志作玄包胡氏並誤

薛仁貴

丹鉛新錄曰用修云後周韋孝寬參麟趾殿學士考校圖籍唐薛仁貴著周易新注本義十四卷二子將勇而精意經術如此元瑞以為唐薛氏文士最衆周易注見鄭氏藝文畧唐書藝志文更蓋別有其人非為將者也唐書仁貴傳並不言其涉獵經史即史傳中不盡載著述然仁貴以武人有此斷所不遺今新舊唐書無及此者則此書非其撰述無疑也韋孝寬雖為名將未

嘗以勇力聞仁貴雖以勇聞然將畧亦自翹楚用修說俱失之宋人墨池編有薛仁貴碑云名禮字仁貴其人在天寶間則非唐初將帥明矣又史書佔俾曰唐有两薛仁貴一武將見唐書一文人注周易見唐書藝文志次第在王勃前陸德明後蓋亦高宗時人當與征遼建功者相去不遠而傳絕不言其能文著書考之唐世河東之薛文學最盛蓋一時名姓相同決非為將之仁貴也楊用修執此以仁貴為文武兼才與

韋孝寬並稱按唐書張仁愿傳云唐初才兼文武僅郭元振唐休璟裴行儉及仁愿未嘗一齒仁貴則注周易者非其人必矣藉令史傳中于著述或不盡載亦當稍上及其文義大端而仁貴本傳第稱力田起家傳未竟不略槩好文博雅等語用修之誤瞭然無疑續考宋朱長文墨池編第八卷碑刻類有唐薛仁貴碑注云天寶二年名禮字仁貴河東汾陰人按新舊傳唐書薛傳並無此文惟通鑑有之以僻甚故特附記

此

論曰班氏書所列將相儒生之行事往往不載于本傳而附著之他篇者蓋作史之法且如其人所謂論譔一一具列傳末則藝文不必志矣按新唐書本傳云仁貴少貧賤以田為業而世系云仁貴父軌隋襄城郡贊治又云仁貴名禮松漠道大總管子訥相玄宗楚王左羽林將軍汾陽縣伯本傳不言以字行亦不言松漠道蓋皆互見也何謂唐書無此文乎墨池編碑文云上則所謂薛禮者正三

箭定天山免胃示突厥之將軍耳其言天寶二年
必訥若楚玉始為其父追立之者觀仁貴討賀魯
疏簡潔而盡事情又知西方得歲不宜用兵皆博
學有文豈力田起家者所能暗解乎張仁愿諸人
雖稱才具文武而論著都不見于篇衛公問對反
為操觚者所鄙又烏知其兼才也哉且薛氏望出
河東無別支于他郡者其世系表有二嵩二朗二
植二伋二温二岸二戡二巖二嶷二蒙二諤二華
二承規三薛紹三薛岑三薛瓌三薛廣而獨無二
禮二仁貴則鐫虜注易立功立言者其為一人無
疑矣通鑑貞元十九年龍門人薛仁貴安都六世
孫名禮以字行端元瑞既知通鑑有之而必守墨
池之說以為天寶時人蓋徒見用修之論輒思所
以勝之不知其自陷于掛漏而乖僻也

河圖要元論

四部正譌又云楊氏譚苑醍醐曰茅山志引河
圖要元篇云勾金之壇其間有陵兵病不起洪
波不登又曰乃有地肺土良水清勾曲之山金

壇之陵可以度世上昇曲成要元篇蓋漢世識書後漢書注不載其目僅見此焉此用修語子未敢深信然他無可考姑錄此以廣異聞諗曰按真誥稽神樞引河圖中要元篇第四十四卷云勾金之壇其間有陵兵病不往洪波不登又引河圖內元經曰乃有地肺土良水清勾曲之山金壇之陵可以度世上昇曲成陶隱居注曰此河圖者舜禹所受及洛書之屬今猶有四十餘卷存據此則用修所記蓋有之矣茅山志大都皆采真

誥文

金雌詩

元瑞藝林學山曰用脩云隋經籍志郭文著金雌記金雌詩按隋志緯書小注有金雌記無所謂金雌詩也麟按南齊書郭文舉金雌記云當復有作肅入草見高帝紀末并諸識甚詳

諗曰按南齊書高祖紀末無當復有作肅入草之句惟祥瑞志引金雌記曰鑠金作刀在龍里占睡上人相須起又云當復有作肅入草又云草門可

憐乃當悴建號不成易運沸則金雄所存不僅一語也洞仙傳郭文舉書箬葉上著金雄記金雌詩後人於其所住牀席下得之次第尋看織緯相似乃傳于世宋世符瑞書太史令駱達奏陳符識引金雌詩云大火有心水抱之悠上百年是其時金雌詩又曰云出而兩漸欲舉短如之何乃相岨交哉亂也當何所唯有隱巖殖禾黍西南之明困桓父達說之曰兩云玄字也短者昨短也巖隱不見唯應見殖入禾谷邊則聖諱炳明也據此則金雌之作亦有之矣但不見隋志耳夫用修雖窮搜韋塚博討穆陵然所稱引皆非怪僻元瑞以為出自成都便不深信至有目前載籍斥不推尋賤今之意亦云隘矣高都孫居相筆叢序曰世有正元瑞者乎元瑞聽之矣予亦聽之矣嬰敢謂正胡乎

鹽澤醋溝

丹鉛新錄曰用修云唐岑參詩鴈塞通鹽澤龍堆接醋溝方回云鹽澤人皆知之醋溝人所未知也非惟人未知方回蓋亦不知此言以揜後

人耳考闕駟亦三州志山氏城北為高踰淵又
東北醋溝水出焉水在中牟鹽澤見漢書元瑞
以為鹽澤見穆天子傳戊子天子至于鹽注鹽
鹽城池也今在河東解縣及竹書紀年王觀于
鹽澤是也漢書遠出其後且醋溝方但言未知
未嘗自以為知也用修逆探譏之得毋以已度
人手

諗曰岑參天寶中充安西節度判官其北庭詩鴈
塞通鹽澤龍堆接醋溝孤城天北畔絕域海西頭

北庭地近輪臺在龜茲烏壘之間矣漢書蔥嶺河
東注蒲昌海蒲昌海一名鹽澤去玉門陽關三百
餘里水經注沕澤即蒲昌海亦有鹽澤之稱地里
志朔方縣有金連鹽澤者青鹽澤鴈門郡沃陽縣
鹽澤在東北然則鹽澤有五一在中國嘉州所味
以地道尋之當是蒲昌河也鴈塞未詳何郡梁州
記曰梁州縣界有鴈塞山上有大池水鴈栖集之
因名荊州記鴈塞北接梁州汶郡其間東西岑
屬大巖無際雲飛風翥望崖迴崖翼唯一處稍下

朔鴈達塞矯翼裁度故名此非岑詩所指聊舉異名然塩澤之說則用修得之而元瑞謬言也又西域傳徐普欲開道避白龍堆之阻楊雄亦言康居烏孫豈能踰白龍堆冠西邊地理志敦煌郡正西關外有白龍堆沙有蒲昌海孟康曰龍堆形如土龍高大者二三丈在西域中據此則醋溝必在瓜州之外考水經注高榆淵東北為酢溝韻會云酢今作醋闕駟十三州志山氏城北為高踰淵又東北醋溝水出焉水在中牟郭緣生述征記醬魁城至醋溝凡十里唐岑參詩鴈塞通塩澤龍堆接醋溝緣酢溝而引岑詩以證此黃直翁之誤用修全述之也按郡國志雒陽與中牟比縣河東在雒陽西北五百里敦煌在雒陽西五千里若鴈塞越四千五百里而內與河東之澤連龍堆越五千里而東與中牟之水接作詩者毋引乃太憤上乎黃楊胡徒執于形似之間而不究道里之不可至恐嘉州為之太噉也

丹鉛新錄曰用修云陽虎將殺季孫不克取寶
王大弓以叛明年乃得之堤下晉明帝硯王敦
遁歸湖陰以七寶鞭獲免按晉書明帝紀云王
敦將謀篡下屯于湖帝乃乘駿馬微行至于湖
陰察敦營壘而出陰字當屬察為句以上又湖
下原無陰字而下句陰察與微行相應也自溫
庭筠作湖陰曲後人往往承訛惟王懋叢書得
之又明帝自湖遁歸遇旅嫗與七寶鞭此云遁
歸湖者尤非敦既屯兵于湖帝自湖歸則歸于

石頭耳

諗曰升菴集云王敦屯于湖陰察營壘而去此晉
紀本文于^湖今之歷陽也帝至于湖為一句陰察營
壘為一句溫庭筠作湖陰曲誤以陰字屬上句也
張耒作于湖曲以正之案此則湖陰之解發自用
脩矣元瑞拾用修牙慧以反譏用修而又云自湖
遁歸又云遁歸湖則以于湖于字為于此于彼之
于而不知其為縣名也且單舉湖字元瑞抑何所
指晉書地理志丹陽郡有于湖蕪湖湖熟諸縣接

壞聯疆觀王敦傳云敦移鎮姑熟明帝將討敦微服至蕪湖察其營壘又世說新語云王大將軍頓軍姑孰明帝以英武之才著戎服騎巴賓馬齎一金馬鞭陰察軍形勢則湖陰之訛自湖之謬已可知矣然于湖屬丹陽郡在江南歷陽屬淮南郡在江北楊云于湖今之歷陽則非也

萬城

四部正譌曰楊用脩以鬼谷區為即鬼谷其可笑正與方城作萬城切對

諗曰宛委餘編曰用脩以方城為萬城其可笑不待言晦伯引史記阻之以鄧林緣之以方城又我悉方城外及服虔杜預之說以關之似矣然不如盛弘之荊州記之明切也其云葉東界有故城始隼縣東至瀨水達此陽界南北聯亘數百里號為方城一謂之長城南北雖無基築皆連山相接而漢水流其南故屈完云：何其易曉也郡國志葉縣有方城郭仲產曰苦菜于東俱有方城又楚狂接輿耕于方城之南蓋皆傍此長山方城而名者

也。正譌笑楊蓋附于此。嬰按楊王二先生之說皆本鄙善長用修所論略舉一隅。陳王爭之則欲掇楊所短而反拚其所長耳。考水經無水注曰無水出黃城山東北。逕方城。郡國志曰葉縣有方城郭。仲產曰苦菜于東之間有小城名方城。東臨溪水。尋此城致號之由。當因山以表名也。苦菜即黃城也。及于東通為方城矣。世謂之方城山。故地理志曰南陽葉方城邑。西有黃城山。是長沮桀溺耦耕之所。尸子曰楚狂接輿耕於方城。蓋於此也。盛弘之云葉東界有故城。始隼縣東至瀨水。達泚陽界。南北聯亘數百里。號為方城。一謂之長城。云鄙縣有故城。一面未詳。里數號為長城。即此城之西隅。其間相去六百里。雖無基築。皆連山相接。而漢水流其南。故屈完答齊桓公云楚城國方城以為城。漢水以為池。郡國志曰葉縣有長城。曰方城。指此城也。元美所稱本此。然汝水注曰醴水逕北縣。故城北。春秋昭公十五年許遷于葉者也。楚盛周衰。控霸南土。爭強中國。多築列城于北方。以逼華夏。

故號此城為萬城或作方字唐勒奏土論曰我是楚也世霸南土自越以至葉華弘境萬里故號曰萬城也余按春秋屈完對齊侯曰楚國方城以為城杜預曰方城山名也在葉南未詳孰是用修所執又在此條元奘美以為可笑是未知用修之言更有據也宛委說亦不知無水注之詳備元瑞述之此猶侏儒度高于天者也嬰又觀元瑞華林博議曰讀書大患在好詆訶昔人夫文字烟埃紀籍淵藪引用出處或參商意義重輕或有權度加以魯

魚亥豕訛謬萬端凡遇此類當博稽典故細釋旨歸統會殊文釐正脫簡務成曩美母簿前脩今偶覩一斑便為奇貨恐後視今猶今視昔矣又曰昔人之說無當於吾心務審其是非而駁之母先入母遷怒母作名母狗名今明知其得而掩為己有未竟其失而輒恣譏彈壯夫不為大雅當爾耶此論可謂公溥然每于用修遺言輒䟽剔小疵垂謬大美以丹鉛當奇貨以伐山資遷怒博議云豈慮後人之擯據後人也

鬼方

楊用修曰高宗伐鬼方事惟見易鬼方極遠之國即莫靡之屬也蒼頡篇曰鬼之為言遠也世本黃帝娶于鬼方氏漢匡衡疏云成湯化異俗而懷鬼方意者湯時鬼方已內屬武圍之中而復叛於中衰之日故高宗伐之以中興殷道也又西羗傳曰殷室中衰諸侯皆叛至於武丁征西戎鬼方三年乃克故其詩曰自彼氐羗莫敢不來王是其證也竹書紀年周王伐西而落鬼

戎

胡元瑞丹鉛新錄曰鬼方事見竹書高宗二十二年伐鬼方次于荆三十四年王師克鬼方氐羗來賓甚明鬼戎之語絕無所出史稱陸終氏娶于鬼方生六子即昆吾大彭五霸迭王者見鄭氏通志畧楊云黃帝未知何所據也鬼方前輩有以為楚者以楚俗尚巫故謂鬼方竹書伐鬼方上有次荆之文則此說宜可證楊云極遠恐未然又一說云即貴縣中殷世何能至此

蓋當時楚地亦極為蠻落春秋始會盟中國耳
以鬼方為楚蔡介夫蒙引

論之曰大戴禮帝繫曰陸終氏娶於鬼方氏之妹
謂之女嬪氏產六子一曰昆吾二曰參胡三為彭
祖四曰萊言五曰安六曰季連風俗通曰陸終娶
於鬼方氏是謂女清索隱引系本亦同楊云黃帝
良誤詩大雅覃及鬼方毛傳曰鬼方遠方也孔穎
達曰鬼方遠方未知何方也匡衡傳應劭注亦曰
遠方楊曰極遠亦非臆說西羌傳曰武乙暴虐犬

戎寇邊古公踰梁山而邑于岐下及子季歷遂伐
西落鬼戎太子賢注引竹書紀年武乙三十五年
周王季伐西落戎鬼無俘二十翟王語胡謂絕無
所出謬矣此與王會解湯時正西有鬼親國楊雄
作趙充國頌遂克西戎還師于京鬼方賓服罔有
不庭師古曰鬼方言其幽昧也李善引世本注曰
鬼方於漢則先零戎是也章帝紀有司言明皇帝
克伐鬼方開道西域用修稱靡莫之屬似鬼方乃
西戎也海內北經曰鬼方在二負之尸北注曰貳

負之尸在上郡干寶易注曰高宗殷中興之君鬼
北方國也高宗當伐鬼方者離為兵戈故稱伐坎
當北方故稱鬼也此說則為北狄唐書韋臯傳雲
南款邊約東蠻鬼主驃傍苴絕吐蕃盟而南蠻傳
曰夷人尚鬼謂主祭者為鬼主又曰南詔俗尚巫
鬼大部落有大鬼主百家則置小鬼主又有兩林
部地狹而諸部推為長號都大鬼主又有夷望鼓
路湯谷阿醢阿鷄鉀蠻等十二鬼主皆隸雋州此
豈古所云鬼方者耶則與黔楚之說近即以為南

蠻可也然尚書大傳文王受命二年伐鬼方三年
伐密須四年伐大夷五年伐耆六年伐崇按文王
未嘗南征則謂在楚之陽者或未然也虞翻易注
曰高宗伐鬼方三年乃克旅人愬勞衣服皆敗鬼
方之民猶或寇竊故終日戒陳琳為曹洪與文帝
書鬼方聾昧高宗有三年之征伐邈道悠聾昧愬
勞之辭豈有承受按韓非子文王說紂而紂囚之
翼侯奚鬼侯腊史記正義引括地志相州谷陽縣
西南五十里有鬼侯城然則鬼方直在冀州耳又

班固典引威靈行於鬼區章和元年詔威靈行乎
鬼區斯又易方為區矣

鏡殿

藝林學山揚用修云唐高宗造鏡殿武后意也
四壁皆安鏡為白晝秘戲之需帝一日獨坐其
中劉仁軌奏事入驚走下階曰天無二日土無
二王臣見四壁有數天子不詳莫大焉帝立命
剔去后聞之不悅帝崩后復建之楊廉夫詩鏡
殿青春秘戲多玉肌相照影相磨六郎酣戰明

空笑隊：鴛鴦漾淥波

元瑞曰按此本隋煬帝故事迷樓記帝設銅屏
四周殿上白晝與宮人戲樂纖毫皆入屏中高
宗時武曩用事中外謂之二聖劉仁軌蓋假此
以諷故武聞之不悅也老鉄詩六郎謂昌宗明
空即曩字

諗曰通鑑少府鑿裴匪舒為上造鏡殿成上與劉
仁軌觀之仁軌驚趨下殿上問其故對曰天無二
日土無二王適視四壁有數天子不詳孰甚上遽

令剔去此無武后不悅及秘戲之言豈司馬惡其
宣淫而削之乎以高宗之頑冥不靈二聖之稱猶
以為未盡豈滑稽隱語所能搖動武亦不以二日
之擿為恚數天子在壁亦有數皇后在宮仁軌可
自解於武后前也

過秦論

丹鉛新錄白用修擬過秦論云六王初畢四海
始一雄圖既溢武力未畢方架鼉鼉以為梁巡
海石以送日俄而祖龍魂斷于沙丘鮑魚腥聞

乎四極云

元瑞曰竹書紀

穆王大起九師架鼉鼉以為

梁此云秦始皇恐誤論擬過秦寔宋人場屋体此
段又本唐人阿房宮賦然小杜首四語甚奇而
揚四語中再用畢字殊失檢點用修自謂弱冠
時作蓋其後未嘗刪潤也

諡曰江淹恨賦曰秦帝按劍諸侯西馳削平天下
同文共規葦山為城紫海為池雄圖既溢武功未
畢方駕鼉鼉以為梁巡海石以送日一旦魂斷宮

車晚出楊論皆枝文通語也此其少作自宜付之一炬而乃享以千金亦不自見之患乎但江賦載文選中臺事小史輒能諷誦胡氏不知何也紀年曰周穆王大起九師東至于九江架鼃鼃以為梁遂伐越列子曰穆王駕八駿之乘乃西觀日所入三齊畧記曰秦始皇作石橋欲過海看日出有神人驅石下海石去不連神輒鞭之皆流血夫穆王叱鼃而秦帝驅石穆王車輒窮于濠汜而秦帝馬跡向于扶桑似不可同江賦云爾者蓋得意疾書忽成佳語陸机所謂隨手之變難以辭逐者抑其借穆王之事以喻秦皇雄心四據百鬼驚奔而用修襲之固非

采元瑞恐未得与于斯

文故不覺其言之過

危林卷之九

論胡

文宣王武安王魯哀公平原君

史書佔俾曰世知仲尼文宣王而蕭子良長孫
稚亦皆文宣王也延岑號武安王在壯繆前劉
嘉封漢中王在照烈前今但知玄德雲長劉仲
謚魯哀公朱建稱平原君皆在後尤僻也文宣_王
見路史餘並見兩漢書又李光弼岳飛俱謚武

莆田周

嬰方叔纂

穆岳與諸葛又俱謚忠武

諡曰漢書元帝時孔霸以帝師賜號褒成君奉孔

子後平帝元始初追謚孔子曰褒成宣尼公善聖

門志云東漢和帝永元四年後魏書孝文太和十

封孔子為褒尊侯今考范書無六年改謚宣尼曰文聖尼父後周宣帝大象二年

詔曰孔子幽贊天人裁成禮樂作範百王垂風萬

乘可追封邠國公隋文帝贈為先師尼父唐貞觀

十一年尊為宣父高宗乾封元年追贈太師中宗

神龍元年以邠魯邑百戶為太師隆道公宣尼采

邑為通典作崇道公冊府元龜王欽若曰時封孔子

隆道公按會要武后天授元年封隆道公至開元二十七年追贈孔宣父為文宣王後嗣褒

聖侯改封文宣公通典通鑑以為謚文宣而唐書

云贈封若果為謚子孫豈可以為封爵乎且自尼

父前以王謚文宣者有後魏宜都王穆壽任城王

澄安豐王延明汝南王悅王亶李先傳曰正光中

文宣王亶嗣位濮陽王陸子彰北齊常山王斛斯椿不獨竟陵長

孫也又魏書長孫稚北史諱稚與治嫵名而改為

幼云長孫幼字承業封上黨王謚文宣惟隋書長

孫覽傳稱祖稚魏太師上黨文宣王耳延岑自號
武安王長生則於宋徽宗大觀二年封武安蓋是
徽號然隱太子子承訓李寶臣子惟簡皆封武安
王也光武兄仲初追謚魯哀公未久進爵為王復
曰魯哀王矣平原有兩固然而史記景帝立王夫
人為后尊其母臧兒為平原君則一為婦人抑又
奇矣春明退朝錄曰樞密副使曹瑋使相高懷德
皆謚武穆此固在李岳間若忠武之謚何必岳葛
魏司馬師宋沈慶之柳世隆符登雍州刺史徐嵩

梁始興王憺魏廣陽王琛裴叔業齊高昂劉豐破
六韓常劉貴段韶周王勵唐尉遲敬德郭子儀李
晟渾瑊常臯五代徐溫宋李繼隆郭守文皆謚忠
武豈獨孔明鵬舉乎揚萬里揮塵錄曰北齊顯祖
高洋晉陽公李元忠南齊竟
陵王蕭子良隋長孫覽俱謚文宣孔子蓋出四謚
之後者予按高洋稱帝元忠孫覽俱不為王揚說
也非也

夫子

史書佔俾曰西京雜記有杜陵杜夫子三十國
春秋有舞陽杜孔子稱名之類一至於此記謂

杜奕棋天下第一蓋其徒尊之若抱朴子所稱
棋聖之類然拾遺素稱詩聖又稱集大成又自
稱杜陵曷若奪此稱還吾子美不尤稱情耶又
莊忌稱夫子是字

諡曰西秦錄乞伏熾盤將有征西將軍孔子後魏
書天平元年蕭衍將軍紀耕入寇崑崙都督曹仲
尼破走之此夷狄侮聖之甚者也宋書世祖以沈
伯玉容貌似圖畫仲尼像常呼為孔邱王景文陪
輦出指伯玉曰孔邱奇形容唐書王起字舉之文

宗引入翰林講論經史詔畫象便殿號當世仲尼
此中國君臣侮聖之尤者也然唐書表漢有薛方
邱字夫子則夸誕之風已始于此而朝野僉載周
則天朝同州魯孔邱為拾遺郎中張元一目為鷲
入鳳池者則尤可哂矣金石錄有魏鎮東將軍劉
乾碑云諱乾字天比于孔子仲尼孔邱尚為未減
耳若乃夫子之稱原非至極之號端木之對棘成
僕夫之詢濯孺豎牛之斥叔孫柳下之妻之誅其
夫孟津之誓武王於千夫長百夫長而皆呼之夫

子則亦貴賤通稱之詞又班彪之劇蒙恬韓愈之
祭田橫李白之贈秋浦少府咸以夫子屬之奚必
弟子之嚴吾師學士之阿所好云爾而已哉且韓
愈調張籍詩曰李杜文章在光燄萬丈長惟此兩
夫子家居率荒涼則子美在唐世業有夫子之稱
固不必奪彼予此即太白亦稱李夫子矣杜夫子
自是人姓名若玄怪錄有朔方節度使張彥兩男
一名曾子一名夫子俱為刺史通鑑唐僖宗時蜀
人羅夫子聚衆應旣能敗自到者是也玉堂閒話
有長道縣豪士張夫子名行儒則與前漢薛方印
同而司馬相如傳顏籀注曰嚴忌本姓莊當時尊
尚號曰夫子則又非字也御覽引文士傳曰杜育
童孺竒才博學能著文章心解性達無所不綜一
時稱為舞陽杜孔子此如關西孔子揚伯起之類
亦非名也

顏子

估俾曰顏回為美帥魯參為市人已見前載稱
顏子者黃憲外謝尚徐陵周續之皆六代人也

稱魯子者張霸外宗元卿蔡曇智滕曇恭皆南齊人俱見南史列傳又陸雲亦稱顏子

諡曰仲尼神人高不可仰顏淵亞聖士所能睹故賞譽之家持相推許古今若此者衆矣禰衡曰仲尼不死孔融曰顏回復生事雖悲痛言亦可喜者也按黃叔度外稱顏子者尚不乏人荀彧別傳曰鍾繇以為顏子既沒能備九德不貳其過惟荀彧然或問繇曰君雅重荀君比之顏子可得聞乎魏志太祖稱荀攸曰公達外愚內智外怯內勇不伐

善無施勞顏子不能過也晉書曰文立師事譙周門人以立為顏回又曰羊祐蔡邕外孫太原郭奕見之曰此今日之顏子也梁書曰伏挺字士標齊末舉秀才梁高祖謂為顏子引為征東行參軍時年十八隋書李士謙字子約事母以孝聞伯父魏岐州刺史瑒每曰此兒吾家之顏子也若前乎黃生者張璠漢紀曰朱穆之年二十為郡督郵迎太守太守問曰君年少為督郵將因族世自有令德穆之曰郡中瞻仰明公以為非顏淵不敢使迎孔

子太守奇其才歎曰吾非仲尼督郵所謂顏回也
濟北先賢傳戴宏字元襄年二十二為郡督郵府
君欲捷之宏曰鄙郡遭明府咸以為仲尼之居國
以宏為顏回豈聞仲尼有捷顏回之義府君異其
對即署主簿此皆令譽也然後漢許暹字顏回見
顏氏家訓彼豈有長卿慕蘭之思乎後代曾子亦
不一人南齊書劉瓛祖母病疽經年手持膏藥漬
指為爛母孔氏謂親戚曰阿稱便是今世曾子阿
稱瓛小名也梁書謝蘭字希如五歲父母未飯食

終不進阮孝緒歎曰此兒曾子之流北史裴叔卿
博涉有孝行時人號曰裴曾子然北史和士開傳
有一人士曾參為士開嘗黃龍湯此又出市人下
矣文中子或曰董常何人也子曰其動也權其靜也至其顏氏之流乎唐高僧傳僧一行姓張氏名遂道士尹崇見所撰大衍玄圖甚嗟伏之曰後生顏子也亦見酉陽雜俎六帖曰海東王義慈事親孝於弟兄友時號海東曾子唐書權德輿門生七十人推沈傳師為顏子又賈會華原人有高節不答辟署里中號一龍親也負去成墓廬其左手持松栢時號閔中曾子

四友

胡元瑞史書估俾曰四友有四周文王外吳太

子孫登四友諸葛恪張休顧譚陳表晉王敦王澄庾敳胡母輔之唐李嶠杜審言崔融蘓味道諗曰胡王庾阮迭為賓主深有曠達之致按八王故事曰胡母輔之少有雅俗鑒識與王澄庾敳王敦王夷甫為四友世說新語王大將軍下庾公問聞卿有四友何者是荅曰君家中即我家太尉阿平胡母彥國也而晉書王澄傳王敦謝鯤庾敳阮脩為王衍所親善號為四友胡母輔之傳輔之與王澄王敦庾敳為太尉王衍所昵號曰四友諸說

不同似五人各有一四友實當以夷甫為領袖耳然何獨之歎君者陶潛聖賢群輔錄曰顏回子貢子路子張孔子四友也文王有胥附奔奏先後禦侮謂之四隣孟懿子曰夫子亦有四隣乎子曰吾有四友焉自吾得回門人益親是非胥附乎自吾得賜遠方之士日至是非奔奏乎自吾得師前有先後有輝是非先後乎自吾得由惡言不至於門是非御侮乎見孔叢子也又莊子大宗師子祀子輿子桑子來四人相與語曰孰以無為首以生為

脊以死為尻吾與之友矣四人相視而笑莫逆於心遂相與為友漢書王莽始建國三年為太子置師友各四人尚書令唐林為胥附博士李充為莽走諫大夫趙襄為先後中郎將庶丹為禦侮是為四友又太原郇相稚賓王莽時徵為太子四友陶錄又曰晉宣帝河南司馬懿字仲達魏司空潁川陳群字長文中領軍譙朱鑠字彥才侍中濟陰吳質字李重魏文帝四友也見晉紀又宋書曰謝靈運東還與族弟惠連東海何長瑜潁川荀雍太山

羊璿之以文章賞會共為山澤之遊時人謂之四友又南齊書宋昇明初褚炫以清尚與劉侯謝朓江敳入殿侍文義號為四友梁書謝朓傳亦曰齊高帝輔政選朓為長史勅與河南褚炫濟陽江敳彭城劉侯俱入侍宋帝時號天子四友又續高僧傳隋攝山僧詮法師大乘海嶽釋慧布道辨慧勇法朗從之聽論洞達清玄時人語曰詮公四友法甸朗領語辨文章勇得意布二偶作朋張願崔蘓之外又何藹々也然有廣而為六者晉公卿禮秩

曰愍懷立東宮置六傅省尚書事時號太子六友
顏之推觀我生賦曰及荆王之定霸撫軍鎮於夏
汭濫充選於多者在叅戎之盛列愍四白之調護
厠六友之談說有多而為七者聖賢群輔錄曰雄
陶方回續牙伯陽東不訾秦不虛靈甫者舜七友
也並為歷山雷澤之遊戰國策顏斲云堯有九佐
舜有七友是也有倍而八者魏志在東宮涼茂為
太傅注引英雄記曰茂名在八友中吳錄曰高岱
字孔文所友八人皆世之英偉南史曰齊竟陵王
子良開西邸招文學梁武帝與沈約謝朓王融蕭
琛范雲任昉陸倕並遊焉號曰八友有湍而為十
者新唐書曰陸餘慶趙貞固盧藏用陳子昂杜審
言宋之間畢構郭襲微司馬承禎釋懷一雅相善
時號方外十友黃休復益州名畫記載石恪畫陳
子昂盧藏用宋之間高適畢構李白孟浩然王維
賀知章司馬承禎為仙宗十友圖與書小異又李
白詩序曰歷陽壯士勤思齊神力出於百夫則天
太后召見授遊擊將軍賜錦袍玉帶大臣慕義結

十友燕公張說館陶公郭元振為首有汎而十二者韓詩外傳曰周公踐天子之位所友見者十二人又曰子賤治單父所友者十有二人是也有六之為二十四者晉書賈謚開閣延賓海內輻輳勃海石崇歐陽建榮陽潘岳吳國陸機陸雲蘭陵繆徵京兆杜斌摯虞瑯邪諸葛詮弘農王粹襄城杜育南陽鄒捷齊國左思清河崔基沛國劉瓌汝南和郁周恢安平索秀潁川陳珍太原郭彰高陽許猛彭城劉訥中山劉輿劉琨皆傳會於謚號曰二

十四友是也

三傑五老

史書佔畢曰三傑有三漢蕭何張良韓信外唐吳少微富嘉謨谷倚皆文人宋璟張說源乾曜皆宰執又曰五老有二唐曹松等五人登第皆年七十餘號五老榜在宋者英前

諗曰蜀志傳幹曰劉備寬仁有度諸葛亮達治知變而為之相關羽張飛勇而有義皆萬人之敵而為之將三人皆人傑也以備之略三傑佐之何為

不濟歙州圖經陳武帝受梁禪程靈銑以佐命功
臣與周文育侯安都為三傑淵源錄曰朱光庭調
萬年主簿時程顥主鄆縣簿張山甫主武功簿皆
以才名稱閩中號為三傑又黃魯直贈高荷子勉
詩云張侯海內長句晁子廟中雅歌高即少加筆
力我知三傑同科張謂文潛來無咎補之也然則
三傑蓋有七耳金雷淵字希顏文詩喜新奇與友
人高廷玉李純父號中州三傑鄭
曉今言曰山西三傑喬字王鳳雲王瓊也字德量
鳳雲德槩瓊才畧然瓊有功於民社矣
然明皇集左丞相說右丞相璟太子少傅乾曜同

上官命燕東堂賜詩云赤帝收三傑黃軒舉二臣
許景先送張說巡朔方云漢主知三傑周官統六
卿蓋皆用張蕭事未嘗即以為張宋源號也蘓晉
序云天子作三傑詩以宴亦摘其首句為題同於
三百篇之旨耳論語比考識曰堯率舜等升首山
觀河渚有五老遊河迭歌一老曰河圖將來告帝
期二老曰河圖將來告帝
謀三老曰河圖將來告帝書四老曰河圖將來告
帝國五老曰河圖將來告帝符歌訖五老飛為流
星上入昴拾遺記曰虞舜在位十年有五老遊於

國都舜以師道尊之言則及造化之始舜禪禹五
老去不知所從舜乃置五星之祠祭之又曰老聃
居反景日室之山有黃髮老叟五人或乘鴻鶴或
衣羽毛耳出於頂瞳子皆方面色玉潔手握青筠
之杖與聃談天地之數五老蓋五方之精也家語
曰荆公子年十五攝荆相事孔子使人觀之視其
堂上有五老焉其廊下有二十壯士焉太上飛行
羽書曰南極老人丹陵上真西極老人素靈子期
北極老人玄上仙皇東極老人扶陽公子中元老

人上玄子此五老蓋五星之真人也又異乎雲牙
五方之老路史曰道州營道北有五老人祠昔唐
國子司業為道至襄陽遇五老人來迎自云春陵
人與之帛與幘問所居州城西北五里至訪之無
有惟五龍井遺縑在乃立五龍祠貞元十九年也
是五老有八矣然耆英會十三人元豐中在洛陽
五老則至和中在睢陽蓋致政官師相國會稽杜
公衍燕申睢陽與賓客太原王公渙故衛尉河東
畢公世長兵部沛國朱公貫駕部始平馮公平俱

年八十餘掛冠優游鄉梓暇日燕集為五老會賦
詩酬唱宋人形于繪事以紀其盛此至和丙申中
秋日錢明逸叙胡氏誤也撫言天復元年杜德祥
榜放曹松王希羽劉象
柯崇鄭希顏等及第松舒州人希羽歙州人皆七
十餘象京兆人崇希顏閩人俱年踰耳順時謂五
榜老

七子

史書佔俾曰七子不始建安鄭公孫黑強與六
大夫盟謂之七子
諗曰薰隊之盟太史無南董之筆既書黑名且稱

七子事在昭公元年然則七子昉於此乎曰前此
矣前此則曷為始乎此元瑞之疏也襄元十七年
鄭伯享趙孟于垂隴子展伯有子西子產子太叔
二子石從趙孟曰七子從君以寵武也請皆賦武
亦以觀七子之志此其先一也僖十年晉七與大
夫左行共華右行賈華叔堅騅欵纍虎特宮山祁
杜預注亦謂之七子二也毛詩皇父卿士番維司
徒冢伯冢宰仲允膳夫聚子內史蹶維趣馬摛維
師氏豔妻煽方處鄭玄箋曰厲王淫於色七子皆

用后嬖寵方熾之時並處位言妻黨盛女謁行之甚也後漢書李卬上書曰妃后用事七子朝令左雄疏曰褒艷用權七子黨進注而引詩為說三也何為托始於薰隧乎且漢景帝時亦有七子陸機五等諸侯論曰六臣犯其弱網七子衝其漏網呂向注曰七子謂吳王濞膠西王卬楚王趙王遂濟南王卬光淄川王賢膠東王雄渠皆謀反是也然建安七子陳壽之志殊誤按魏志文帝為五官將及平原侯植皆文學王粲徐幹陳琳阮瑀應瑒

劉楨並見友善自邯鄲淳繁欽等亦有文采而不在此七人之列其評曰昔文帝陳王以公子之尊博好文采同敬相應才士並出惟粲等六人最見名目夫傳言七人而名僅列其六即評語亦惟言六人可謂自違伐矣尋典論曰今之文人魯國孔融廣陵陳琳山陽王粲北海徐幹陳留阮瑀汝南應瑒東平劉楨斯七子者於學無所遺於辭無所假蓋以文學為七人之領袖也揚用脩集曰吳高士雲王純菴廷表胡在軒廷祿張半谷含李中漢元陽唐池南錡為揚門六學士以擬籓門秦黃晁

張廖略云余日得非于子而七乎七子文藻皆在
滇雲一時盛事余固不敢當也又近代詩家亦以
李于麟攀龍王元美世貞宗子相臣徐子與中行
梁公實有譽吳明卿國倫謝茂秦榛為七子
七賢

史書佔俾曰七賢不始竹林後漢書袁詵等七
人以身扞刃救郡守皆死褒曰七賢又七賢過
關是李白張九齡王維鄭虔張說李業孟浩然
諡曰黃巾起汝南太守趙謙擊之軍敗功曹封觀
主簿陳端門下督范仲禮賊曹刘偉德主記史丁
子嗣記室史張仲然議生袁詵七人擢及突陳與

戰並死謙以得免詔表其門閭號曰七賢此汝南
七賢也然亦不始此東京之初已有之矣隋經籍
志有廬江七賢傳今雖不傳諸類書多引之七賢
者其一為陳衆辟州從事劇賊淳于臨數千人攻
縣光武遣司空李通擊之州牧惶怖恐獲罪自請
以恩信降之乘單車駕白馬到賊所以義告諭臨
素服名德即降民生立祠號曰白馬從事其一為
文黨文黨未學之時與人俱入叢木謂侶人曰吾
欲遠學先試投我斧高木上斧當挂乃仰投之斧

果上挂。因之長安受經。其一為陳翼，字子初一，字春卿，廬江舒人。到藍，鄉見道邊馬旁有一病人，呼曰：我長安魏少公，聞廬江樂土來遊，今病不能前，倘可相救。翼迎歸，養視，積日病困，曰：我有金十餅，素二十疋，死則賣以殯殮。餘謝主人既死，翼賣素買棺衾，以金置棺下，騎馬出入。後其兄長公見馬，告吏捕翼，具言之。棺下得金，長公叩頭謝，以金十餅投其門中。翼送長安，還之。翼後為魯陽尉，號魯陽金尉。又光武出淮陽，到舒，不覽鄉閭。此鄉何名？陳翼對曰：鄉名不覽。上曰：萬乘主以問不祥耶？命舉燔之。翼曰：臣言不欺。佩刀當生毛，視之，刀有毛，長寸，乃不燔。

七貴

估俾曰：七貴有二，已見名疑。

諗之曰：潘岳西征賦曰：窺七貴於漢庭，疇一姓之或在。李周翰注曰：漢庭七貴，呂霍上官丁趙傅王並后族也。任昉為王思遠讓詩，中表曰：金遷七貴之茂，王粲三公之孫。隋牛弘為吏部尚書，蘓威字

文述張瑾虞世基裴蘊裴矩參掌選事時人謂之
選曹七貴又元文都等尊立越王侗改元 皇以
段達為納言王世充吏部尚書元文都盧楚俱內
史令皇甫無逸兵部尚書郭文懿內史侍郎趙長
文黃門侍郎委以機務于時雒陽稱為七貴國史
補御史故事亦有七貴之號則七貴固不僅于二
也不知陳胡所指為何然此類尚有可數者北齊
書韓鳳與高阿那肱穆提婆共處衡軸號曰三貴
戰國策范雎說秦王曰今太后擅行不顧穰侯出
使不報華陽涇陽擊斷無諱高陵進退不請四貴
備而國不危者未之有也為此四貴者下乃所謂
無王也又宋書王粲徙尚書令與齊王褚淵劉秉
入直平決萬幾時謂之四貴北齊書曰魏太保孫
騰依附齊神武在鄴與高岳高隆之司馬子如號
為四貴隋書觀德王楊雄高祖時貴寵冠絕與高
頴虞慶則蘓威稱為四貴則四貴亦有四也隋煬
帝初蘓威宇文述裴矩裴蘊虞世基參掌朝政時
人稱為五貴南齊書東昏即位江祐參掌選事與

弟衛尉祀右衛將軍劉暄始安王遙光尚書令徐
孝嗣領軍蕭坦之六人更日帖敷時呼為六貴北
齊書胡長粲以外戚起家給事中與領軍婁定遠
錄尚書趙彥深和士開高文遙領軍綦連猛高阿
那肱僕射唐邕同知朝政時人號為八貴晉人之
賦曰狐裘蒙茸一國三公吾誰適從此之謂也

八王八達

史書佔俾曰唐虞八元八愷周八士晉八王外
漢八俊八顧八及各二詳黨銅傳晉則八達有

三並見名疑然晉又有八伯郗鑒為方伯阮孝
為宏伯卞壺為裁伯蔡謨為朗伯胡毋輔之為
達伯阮孚為誕伯劉綏為委伯羊曼為黯伯見
曼傳

諗曰國語胥臣曰文王即位詢于八虞賈逵唐固
並云八虞周八士皆在虞官是八士又稱八虞也
周書和寤解有尹氏八士在武王十三年計文王
即位至此已五十年則八士有二也後漢書永
和六年詔遣八使巡行風俗拜周舉杜喬周栩馮

羨樂巴張綱郭遵劉班並守光祿大夫分行天下
八使同時俱拜天下號曰八俊是漢有三八俊也
然隋末亦有之舊唐書浚儀格路德仁隋剡縣丞與
同郡人齊王文學王孝逸文林郎繁師玄羅川郡
戶曹靖君亮司隸從事鄭祖咸宣城縣長鄭師善
王世充中書舍人李行簡處士盧協等八人以辭
學擅名當時號為陳留八俊合璧事類岑長倩少
孤為文本鞠愛孫號陳留八俊陶淵明集曰王祥
字休徵王戎字濬冲王澄字平子王導字茂弘王
綏字萬子王衍字夷甫王敦字處仲王玄字眉子
右瑯琊八王聞之於故老晉書曰西晉政亂朝危
而速其禍者咎在八王八王者汝南王亮楚王瑋
趙王倫齊王冏長沙王乂成都王穎河間王顥東
海王越詩所謂誰生厲階八王之謂矣佑俾所云
八王者不知何指然魏書曹公令曰漢之異姓八
王與高祖俱起布衣叔定王業按漢書高祖定天
下功臣異姓而王者八國張耳吳芮彭越黥布臧
荼盧綰與兩韓信咸得裂土南面稱孤耳趙王芮

長沙王越梁王布淮南王荼綰俱燕王兩信者一
楚王一韓王也隋書長孫覽傳贊曰漢代八王無
以方其茂績即此又後魏書臨淮王傳冀州人張
益都張洪建馬潘崔獨憐張叔緒崔醜張天宜崔
思哲等八家皆屯保林野不臣王命州郡號曰八
王唐書昭宗乾寧四年華州將花重武告睦王以
下八王謀殺韓建奏今日睦王濟王韶王通王
彭王韓王儀王陳王等八人到臣治所意不可測
晉晉室八王撓亂天下請依舊制不合典兵乃囚

八王於別第是漢晉魏唐有五八王也晉書安平
王司馬孚字叔達孚長兄朗字伯達宣帝字仲達
孚弟馗字季達恂字顯達進字惠達通字雅達敏
字幼達俱知名於時號曰八達魏志盧毓傳曰諸
葛誕鄧颺等馳名譽有四聰八達之謂世語曰夏
侯玄諸葛誕鄧颺之徒共相題表以玄疇四人為
四聰誕偁八人為八達魏畧曰明帝禁浮華而李
勝黨有四聰八達各有主名陶淵明集曰陳留董
昶字仲道琅邪王澄字平子陳留阮瞻字千里一

云阮八百即瞻弟孚字遙集朗率多通大將軍王
敦云方瞻有減故云八百潁川庾敳字子嵩陳留
謝鯤字幼輿大山胡母輔之字彥國沙門于法龍
樂安光逸字孟祖右晉中朝八達近世聞之故老
而晉書光逸傳曰逸與胡母輔之謝鯤阮放畢卓
羊曼桓彝阮孚散髮裸袒閉室酣飲不捨晝夜時
人謂之八達是八達有三其二在魏一在晉耳然
晉尚有八公百官志曰晉受禪以安平王孚為太
宰鄭冲為太傅王祥為太保義陽王望為太尉何
曾為司徒荀顛為司空石苞為大司馬陳騫為大
將軍凡八公世所謂八公同辰攀雲附翼者也神
仙傳漢淮南王已有八公而葛氏晦其名高誘以
為蘓飛李尚左吳田由雷被毛技伍被晉昌八人
倘非也後魏書神瑞元年春置八大夫官大人下
置三屬官總理萬機故世號八公又曰長孫嵩爵
鉅鹿公太宗即位與山陽侯奚斤北新侯安同白
馬侯崔宏等八人坐止車門右聽理萬幾世號八
公是八公亦有三也八伯中黯字誤義在顏氏家

訓新唐書常袞為相室賣官之路一切以公議格
之無賢不肖然堯舜時亦有八伯崧高疏引鄭玄堯

典注曰堯末年庶績多闕義和之子則死於是分

四岳置八伯淵明集曰伯夷為陽伯樂舞侏離歌

哲陽羲仲之後為儀伯樂舞襲哉歌南陽棄為夏

伯樂舞武漫哉歌祈慮義叔之後為義伯樂舞將

陽歌朱華召繇為秋伯樂舞蔡叔歌零落和仲之

後為和伯舞元鶴歌歸來垂為冬伯樂舞丹鳳舞

齊落歌漫冬伯後右八伯自義和死後分置舜

即位元祀巡狩每至其方各貢兩伯之樂十有五

祀又百工相和而歌慶雲八伯稽首而進者也見

尚書大傳殷時亦有八伯王制曰二百一十國以

為州有伯八州八伯鄭注曰殷之州長曰伯又

魏書王凌等勸進曰周公八子並為侯伯則八伯

已見於虞商周矣又拾遺記帝嚳之妃鄒屠氏之

女也常夢吞日則生一子凡經八夢生八子世謂

八神亦謂八翌明也亦謂之八英亦謂八力其

神力英明翌成萬象也此更奇僻者

孝女

筆叢~~目~~後漢書云孝女叔先雄捷為人父泥和永建初為縣功曹縣長遣泥和拜檄謁巴郡太守乘船墮湍水尸喪不歸雄感念號泣心不圖存常有自沉計家人防閑之經百日稍懈雄因乘小船於父墮處慟哭自投水死弟賢其夕夢雄告之却後六日當共父同出至期伺之果與父相持浮於江上按此事與曹娥同出後漢范史同傳娥以蔡氏邯鄲賞識盛傳而此事絕無知者故特詳之

論曰曹娥年方總角父死安歸投衣洪流從之鮫室至情沉痛可質天吳叔先雄者其傳云雄所生男女二人並數歲乃各作囊盛珠環以繫兒數為訣別之辭家人每防閑之元瑞削此數語便以繫輿曹娥同感予案范書所載依益部耆舊傳而水經注采華陽國志之言作先絡云符縣長趙祉遣吏先尼和以永建元年十一月詣巴郡沒死成孺灘子賢求喪不得女絡年二十五有二子五歲以

還至二年二月十五日尚不得喪，絡乃乘小船至父沒處，哀哭自沉，見夢告賢曰：至二十一日與父俱出，至日父子果浮出江上。夫絡既辭家適人，長孤育子，則義屬他姓，身非父有，雖甚痛疾，宜割私恩，尼和胤子不弱，赴淵有人，絡安得死之而安得亡之？苟懷小諒，女而不婦，以是為奇，吾所不取。且雄孝誠，雖至和直，尋常吏耳，成灘之淪，日月寢遠，不入魚腹，亦作腐骨，乃與六日之尸相持而出，死不速朽，未之曾聞。作書者徒欲為絡飾，異不知其說之難持也。又按華陽國志及益部耆舊傳，其時人為語曰：符有先，絡燹道，張帛黃帛，燹道人，張貞妻也。貞受易于韓子，方去家三十里，船覆死，求尸不得，帛乃自往沒處，灘頭仰天而歎，遂自沈淵。積十四日，帛持夫手於灘下出，灘故名鴛鴦圻。縣長韓子冉嘉之，召帛子為縣股肱。子謂黃帛沉彼栢舟，得正而斃，范史既逸世，誠罕知先雄字異曹娥不成為孝，從非燹道，不得為貞，鬻子之閔斯可嘆也已。

戴諒

筆叢曰諒輔字漢儒仕郡為五官掾時旱太守
祈禱山川連日無所降輔乃自暴庭中期日中
不雨乞以身塞無狀於是積薪柴聚芟茅以自
環搆火將自焚為未及日中天雲晦合須臾澍
雨一郡沾潤此亦與戴封同世而人罕知并錄
之輔時為掾尤難也

諗曰按戴封諒輔同在蔚宗獨行傳封傳者必及
五官人何為罕知乎元瑞標榜漢儒而不詳戴事
反有罕識戴封者矣據傳封字仲平濟北剛人為
西華令時大旱封禱請無獲乃積薪坐以自焚火
起大雨暴至此戴封之行也然漢世非特二子長
沙耆舊傳曰祝良字幼卿為洛陽令時亢旱天子
祈雨不得良乃曝身階庭告誡引罪自晨至中紫
雲齊起甘雨登降要此自曝耳未及燒身也桂陽
先賢畫讚曰臨武張熹字季智為平輿令時天大
旱熹躬雩未獲嘉應乃積柴自焚主簿崇小史張
化從熹焚為火既燎天即澍雨此則長令簿史一

時赴燄其視諒戴不亦合而一乎

異聞記

胡元瑞二酉綴遺曰陳太邱絕不聞著書而意
林所引抱朴子載陳仲弓異聞記云同郡人張
廣遭亂有女四歲不能行棄塚中後開塚女復
活問之曰見塚角有一物伸頸吞氣乃效之轉
不復飢尋看乃大龜將女還飲食之初小腹痛
久乃習云按此書太平廣記及御覽俱不載蓋
其亡已久然仲弓之言或當不妄因識此

諗曰抱朴子曰故太邱長穎川陳仲弓篤論士也
撰異聞記云郡人張廣定者遭亂避地有女年四
歲不能步涉又不可擔負計棄之固當餓死不欲
令其骸骨之露骨之露村口有古大塚上穎先有
穿穴乃以器盛縫之下此女於塚中以數月許乾
飯及水漿與之而捨去候世平定其間三年廣定
得還鄉里欲收塚中所棄女骨更殯埋之廣定往
視女故坐塚中見其父母猶識之喜甚而父母初
疑其鬼也入就之乃知其不死問從何得食女言

糧初盡時甚飢見塚角有一物伸頸吞氣試效之轉不復飢月月為之以至於今父母去時所留衣被自在塚中不往來衣服不敗故不寒凍廣定索女所言物乃是一大龜耳女出食穀初小腹痛嘔逆久許乃習此又足以知龜有不死之法及為道者效之可與龜同年之驗也史遷仲弓皆非妄說者也按此在稚川書對俗篇元瑞乃搜之于意林又云後開塚女復活此似于景升家婢皆非也又予覽北戶錄引陳仲弓異聞記曰東城池有王餘

魚池決魚不得去將死或以鏡照之魚看影謂其有雙於是此目而去則此書唐尚存也

扶老

華陽博議曰困學紀聞云策扶老以沅憇扶老藤名以為杖也見蔡順傳注扶老尤僻非伯厚不能知然亦讀漢書偶得之又古今注禿鷲一名扶老扶老亦見太平御覽草木類

諡曰王元美云杖名扶老鳥亦名扶老按易林曰鳩杖扶老衣食百口淵明此語取易林之意猶引

詩友于詒厥之類非以杖即名扶老也孔光傳曰
太后賜太師靈壽杖服虔曰靈壽木名孟康曰扶
老杖也師古曰木似竹有枝節長八九尺圍三四
寸自然有合杖制不須削治也山海經曰龜山多
扶竹郭璞曰叩竹也高節實中杖也名之扶老
竹西京雜記曰上林苑有扶老木十株晉宮閣名
曰華林園扶老三株汝南先賢傳曰蔡順字君仲
至孝所居井桔槔歲久欲易之為在母生年上不
敢一旦忽生扶老藤繞之遂堅固有鳩巢其上蓋
二種木及竹藤皆堪作杖故咸名扶老耳詩其檉
其椐陸機疏曰椐節中腫似扶老今人以為馬鞭
及杖此扶老不知何所指也古今注曰漢成帝願
成廟有三玉鼎二真金鑪槐樹悉為扶老拘攔斯
亦不知何物廣志曰扶老華黃如金名金草則又
草類也李尤靈壽杖銘乃製為杖扶危定傾郭璞
桃杖贊杖以扶危任昉答餉杖詩扶危復防咽事
歸薄暮人庾信竹杖賦將以養老將以扶危乎春
秋說題辭曰酒之言乳也所以策身扶老也然則

酒正可以扶老名矣漢武內傳曰王母謂武帝曰
太上之藥乃有太真虹芝天樸神草尚宮大碧西
鄉扶老紫虬童子九色鳳腦有得食之後天而老
以此觀之元美謂杖名良謬而元瑞謂淵明之所
策即君仲之井藤亦狹之甚矣

荆軻延周

史書佔俾曰刺大亂之道也燕社稷旦莫墟矣
丹思所以濟之而萬無策也倖僥於一刺詎得
已哉政殛蘓嗣可以息黔黎延周脉燕亦未至
遂亡軻之垂中而弗中也天也世人燭成敗弗
燭為笑資悲夫

論曰秦師日深燕境日急太子丹之與軻謀也不
過曰劫秦王刺殺之彼大將擅兵於外而內有大
亂君臣相疑以其間諸侯得合從償秦必矣元瑞
乃謂政殛蘓嗣可以息黔黎延周脉此蓋以扶蘓
為賢也假使當時政死軻手扶蘓嗣位不復讐不
討賊與燕約和外愧夫差內慙秦襄亦何賢之與
有然則燕視秦王死亦亡不死亦亡而曰未至遂

亡過矣且丹思自雪見凌之怨非為周恤不死之
悲也吾友黃若木云西周亡于秦昭襄五十一年
東周亡于莊襄元年河洛之又見黍離久矣胡氏
欲扶蘓重立周之社稷乎

伍伯

胡明瑞莊岳委談曰卮言謂前導為伍伯所引
賈充及崔豹語當矣然晉唐間官中行鞭杖者
亦謂之伍伯南北史多載尚未明審唐書蘓世
長為刺史因民不率教責躬引咎自撻於都街

伍伯疾其詭鞭之見血世長不勝痛大呼走觀

者無不笑之又太平廣記某人欲知未來

或幕間談

陽璿年六十餘為河

北一宰在縣惟尋術士云或曰公部中伍伯判冥者

也具簪笏召問之答曰某非幽明主者亦冥中
伍伯能於杖數量人之死生凡人將有厄皆先
受杖數二十以上皆死二十以下但重病耳據
二事則伍伯固有兩義

酉陽雜俎載伍伯三四處如語資類載某公

魏即

叔欲題名岩石偶無筆以伍伯杖畫之則伍伯

或前導而兼行杖者正猶今之阜人行則呵辟
罰則用刑耳又按宋程氏演繁露載後漢虞詡
傳注續漢志伍伯公八人中二千石六人千石
六百石皆四人自百石以下皆二人黃綬武官
伍伯六官辟車鈴下侍閤門闈部署衙走卒皆
有程品多少隨所典領率皆赤幘絳襦即今行
鞭杖者然則伍伯之名漢世已有矣

續考後漢曹節傳節弟見越騎校尉營五百妻
有色從求之五百不敢違注引常昭云五百字

本伍伯伍當也伯道也使之導引當道也按今
俗呼行杖人為五百右皆注中語據此說最為
明了余所謂二義兼者信矣

又補衡傳黃祖怒衡不遜令五百將出杖之亦
見後漢書則知二字漢世通用也今俗稱阜隸
亦有所本阜人蓋古司牧者隸則與隸本不並
言考張湛列子注已見則疑起於晉然義未必
同

諗曰漢書鼂錯言事曰古之制邊縣以備敵也使

五家為伍，有長十長一里，有假士四里一連，連有假五百十連一邑，有假侯皆擇其賢材，有護習地形，知民心者，居則習民於射法，出則教民於應敵，服虔曰：五百，帥名也。是古謂連帥為五百。周禮鄭玄司服注曰：今時伍百緹衣，古兵服之遺制。䟽曰：五行也，伯長也，謂宿衛者之行長，則衛士又名伍伯。又八職注曰：如今侍曹伍伯傳吏朝也。䟽曰：漢時五人為伍，伯長也，是五人之長。傳在朝，群吏諸官事務於朝也，則傳事者亦為伍伯。神仙

傳曰：王敦誅郭璞，謂伍伯曰：吾年十三時於柵塘，脫袍與汝，吾命應在汝手中。伍伯銜涕行法，則劊子手，行刑者亦呼伍伯也。禰衡傳注曰：五百猶今之問事也。問事，豈刺閨之類乎？晉輿服志曰：車前五百者，卿行旅從，五百人為一旅。漢氏一統，故去其人，留其名，則五百宜讀如字。此又數義也。阜，隸字，昉自左氏，以為十等之官。貨殖傳注：阜，養馬者，隸之言著繫著於人也。然班氏謂至于皂隸，抱關擊柝，則猶賤官耳。方言：攄，阜也。郭璞注曰：阜

隸之名於是乎出。蓋古祇以為牧圉之役。自茲而後。漸以卑辱。抱朴子曰。皂隸之名。於是乎出。蓋古祇以為牧圉之役。自茲而後。漸以卑辱。抱朴子曰。皂隸之巷。不能紆金銀之。軒沈約彈事曰。既壯而室。竊貲莫非皂隸。宋書孫處等論諸將起自豎夫。出於皂隸。芻牧之下。柳元景檄臧質云。郭伯西門遺出自皂隸。罷越州郡。隨書李密數字文。化及曰。卿本匈奴。皂隸破野頭耳。此如罵人。臧獲其非。卑官可知。若宋太祖詔徐羨之傳亮茶酷。備加顛沛。皂隸之手。張太后廢少帝令。居帝王之位。好皂隸之役。親執鞭撲。毆擊無辜。則即今行杖人矣。

張萬福

胡元瑞九流緒論曰。道家有五等朝儀。一卷題張萬福撰。崇文總目云。未詳何人。按唐張萬福抗言救陽城。即世主謂江淮草木皆聞爾名者。而崇文憤如此。允宜張睿譏之。然萬福武人著書。或非其事。酉陽雜俎又有名鑿張萬福。則此書固未知出誰手。或更有一人不可知。崇文

誠足譏東觀亦未審也又史書佔畢曰唐有三張萬福一德宗朝救陽城人所共知者一與柳芳同時見酉陽雜俎第七卷末以鑿名非武將撰五等朝儀見通志略乃道家者流

諡曰冠謙之傳太上老君賜天中三真太文錄有五等一曰陰陽太官二曰正府真官三曰正房真官四曰宿官散官五曰並進錄主壇位禮拜衣冠儀式各有差品凡六十餘卷號曰錄圖真經五等朝儀豈此謂耶然謂唐有三張萬福則甚不然何

者酉陽雜俎曰柳芳為郎中子登疾重時名鑿張萬福初除泗州與芳故舊芳賀之具言子病張詰旦候芳遽引視登萬福遙見登頂只有此頂骨何憂也因診脉五六息曰不錯壽且踰八十乃留藥數十字謂曰不服此亦得後登為庶子年至九十胡蓋以此萬福善醫者耳但新舊唐書張萬福傳皆云德宗以萬福為濠州改泗州刺史召拜左金吾將軍大言救陽城曰吾年八十與見盛事則萬福曾為泗州與雜俎言合也柳芳大曆元年為太

常博士撰皇室永泰新語見代宗紀至萬福除泗州時可三十年及萬福八十芳可七十餘正同時也胡豈以唐書不載其有和緩之術便謂為兩人乎本傳言其三世明經而萬福以業儒不顯乃學騎射則五等朝儀何知非張尚書著述且其年九十未嘗一日言病非道家何以得此然則萬福蓋文士習武有道術而善醫又善相人者胡云有三子謂直是一人黃長睿云唐人有傳盡之矣

李文悅

史書佔畢曰唐有两李文悅一見安史叛時一見憲宗脩麟德殿時通鑑所載又古今說海趙合傳有李文悅蓋即安史叛時者

諡曰安史之亂賊將姓李者如立節欽湊廷堅史魚歸仁廷訓竭誠令崇懷仙抱忠輩紛々委質不見有所謂李文悅者通鑑元和元年劉闢綿江柵將李文悅以城降高崇文二唐書高霞寓從高崇文擊劉闢下鹿頭城降李文悅以兵三千自歸李而高崇文傳阿跌光顏軍鹿頭西斷賊糧道其將

李文悅以兵三千自歸李文悅始見是時耳通鑑
又云元和十三年脩麟德殿右龍武大將軍李文
悅白宰相論諫自門諸衛遷南牙諸衛充威遠營
使十四年吐蕃圍鹽州刺史李文悅拒守凡三十
七日吐蕃不能克唐書吐蕃回紇二傳並同二傳
又云長慶元年六月吐蕃犯青塞堡鹽州刺史李
文悅發兵擊之按李文悅于唐書無傳無以知其
首末但以三書尋之文悅蓋蜀川降將入朝仕至
龍武將軍以抗直欲諫左轉遂出為鹽州卒能立
惺悅非兩人也又太平廣記引傳奇張合傳曰合太
和初遊五原路經砂磧見紫衣丈夫謂曰我李文
悅尚書也元和十三年曾守五原犬戎圍城吾與
相持三十七日羗酋卷甲而去其叙守城時力戰
甚苦然明言元和十三年則安得以為安史時人
乎然鹽州苦戰乃在十四年合傳作十三年亦稗
官之舛也

李伯禽

佔俾云唐有兩李伯禽一太白子一嘉興監與

神昏見通幽記

場

論曰太平廣記引通幽記云貞元五年李白子伯禽充嘉興監徐浦下場糴鹽官場界有蔡侍郎廟伯禽謁廟見廟中神女戲之後數日蔡侍郎來與論親伯禽遂卒據此則糴鹽官之伯禽即太白子也特廣記訛作李伯子元瑞遽以為兩人且監字屬下徐浦下場讀元瑞云嘉興監俱謬也范傳正作李學士碑載李白孫女二人言父伯禽以貞元八年不祿而卒父存無官父歿為民所云無官者雖監糴鹽固非官也云貞元八年蓋即其時與幽通記之言合矣

誤鳴戰鼓

史書佾俾曰晉桓溫伐李勢戰於笮橋不利將退兵適軍中誤鳴進鼓士殊死鬪遂克之宋世祖伐元兗劬戰不利劬將魯秀誤鳴退鼓遂克之

論曰宋書魯秀傳曰元兗劬配秀精兵五千使攻

新亭壘將戰秀命打退軍鼓因此歸順南史亦曰
義軍至新亭劬將士力戰將尅而魯秀打退鼓軍
乃止故大敗此秀之倒戈未嘗誤伐鼓也元瑞增
飾之以與笮橋為對耳按世語曰張魯遣弟衛纂
陽平城以拒王師太祖將還夜有野糜數千突壞
衛營軍大驚夜高祚等誤與衛眾遇祚等多鳴鼓
角會眾衛懼以為大軍見揜遂降此亦因誤成功
稍與桓宣武事相類

易水

胡元瑞甲乙剝言云乙未春夢冕服人坐殿上
召試忽飛下一紙有晉元帝恭默思道七字為
易水生爭攫去遂覺及入闈題是司馬牛章而
第一人則湯賓尹蓋以易水為湯也書法以水
從易音陽非易也觀此則天上主司且不識字
何尤於濁世司衡者乎

諗曰尚書中候曰玄鳥翔水遺卵娥簡易拾吞生
契封商後萌水易注云易起洛城簡在水中浴而
吞卵生契後人當天應嘉乃以水易為湯據此則

天上主司蓋取。緯候僻書言以謔元瑞非不識字也。

凍雀

詩藪曰宋欽宗詩紇千山頭凍死雀何不飛去
生處樂當時情況如此豈止令人酸鼻紇千山
雀詩或以為唐昭宗

諗曰紇千山或作紇真山隋書曰馬邑郡雲內縣
有紇真山初學記引水經注曰紇真山夏積雪鳥
雀死者一日千數唐昭宗紀天復三年朱全忠請


上遷洛書促東行車駕至華州謂侍臣曰鄙語曰
紇千山頭凍殺雀何不飛去生處樂朕今漂泊不
知竟落何所事在通鑑乃云或以為唐昭宗何也
然郡國志曰紇真山數百里內夏恒積雪故彼人
語云則元魏時已有此諺矣

劉令嫺

詩藪曰洗馬徐悝妻劉氏集二卷悝妻唐世尚
存故唐選亦收

諗曰徐悝妻劉孝綽妹所謂劉三娘者也文尤清

拔悱卒妻為文祭之按梁書悱在東宮歷稔以足
疾出為湘東王友遷晉安內史卒父徐勉答客喻
曰普通五年春悱喪之間至悱始踰立歲著述盈
筭據此則悱卒已過三十劉亦豈幼艾者自普通
五年至隋亡一百三年劉若入唐未死不已百三
四十歲乎此時尚高詠不能自休是老婦而脩進
士之業也覽隋經籍志已有梁太子洗馬徐悱妻
劉令嫺集三卷安得唐世尚存哉新寧高棟輯唐
詩品彙內載令嫺詩而注曰劉令嫺徐悱妻也隋
末唐初人此廷禮之誤因以誤元瑞耳



二名者無考紀傳附見者得數人

諗曰二名之禁始自新室近裁會子遠諷外夷故其時翕然遂以成俗今史傳所載二名者大抵以字稱耳行流既久他無可據爰以為真矣佔畢所記足資談諧然謬誤頗多遺闕不少予以疾劣之以繙覽自娛誤者釐之闕者補之不足可觀聊以蕩吝焉耳

佔畢原列東漢一百一人誤二十一

鄧仲覽

佔畢云延岑將見鑑建武五年 嬰按蘓竟

傳作鄧仲况

彭子厚

彭寵姪

彭蘭卿

亦彭寵姪並見後漢書寵傳 嬰按後漢書帝遣寵從弟子后蘭卿往喻寵、留子厚蘭卿遂反又云寵疑子厚蘭卿質漢歸故不信之又云記告城門將軍今遣子容至子后蘭

卿所又云其尚書以子厚蘭卿為將軍子后
蘭卿益止一人又寵弟也文穎解卿子冠軍
曰卿子時人相褒尊之辭猶言公子也子后
益卿子之類蘭卿其字耳子后亦非為子厚
也

蘓不偉

見蘓章傳 按傳作不韋

陳文矩

見列女傳 按傳是程文矩

劉景宗

見華陀傳注 按景宗廣陵人青龍中山陽

太守

冷壽光

華陀傳 按靈壽光扶風人不作冷

封君達

甘始傳 嬰按神仙傳封衡字君達

士師郎

獲索賊帥 按郎姓右師亦非士

鄭居業

衆之曾孫附傳 嬰按鄭泰字公業衆曾孫

自有傳

徐匡鈞

吳良傳 嬰按後漢書信陽侯陰就干突禁

衛車府令徐匡鈞就車收御者送獄詔書遣

匡、乃自繫注曰鈞留也嬰謂車府令皆執

戟守官匡蓋以兵鈞挂其車佔畢謂匡鈞何

由成語且下文稱匡名者不一以匡鈞為名

亦可笑事也

楊光憲

鄭弘傳 嬰按弘傳洛陽令陽光憲之賓客

憲者賓憲也洛陽令陽光耳

劉文松

左雄傳 按劉文河在法雄傳及安帝紀

郝孟節

方術傳 嬰按博物志郝儉字孟節陽城人

臨孝存

孔融傳 嬰按范曄孔融傳融為北海相郡人然臨孝行知名早卒融命配食縣社魏志注引續漢書融為北海相郡人甄子然孝行知名融令配食縣社此無孝行事恐皆誤也佔俾改為孝存尋鄭玄傳有臨孝存而伏滄青楚人物論曰後漢時鄭康成周孟玉劉祖融臨孝存侍其元矩孫賓碩劉公山皆青土有才德者此慨以字稱耳鄭志康成弟子有臨碩者余嘗疑即其名覽周禮序云林孝存以周官為末世瀆亂之言佐十論七難以排之鄭玄徧覽羣經知周禮乃周公致太平之迹故能荅林碩之論雉予始曠若發矇

駁馬少伯

見盧芳傳夷人也 按傳作駁非駁

王君公

避世墻東者 嬰按聖賢群輔錄引稽康高士傳曰平原王遵字君公

嚴彭祖

顏安樂

並見儒林董鈞傳 嬰按前漢書嚴彭祖字
公子下邳人與顏安樂俱字睦孟彭祖為宣
帝博士至左馮翊顏安樂薛人官至齊郡太
守陳丞二人之去東京遠矣

劉弘世

先主父 按蜀志先主祖雄父弘世仕州郡
雄舉孝廉官至范令華陽國志亦云父弘此
云世者蓋累世也若為讀弘世乃可光言子
仕州郡而後記父孝廉為縣令乎

友通期

梁冀妾見傳 按漢紀美人姓友字通期
今補東漢遺人

宗室

劉歸生

營陵侯更始中為兵所殺 漢書燕王傳
劉宅人

伯升孫卞博侯

劉元壽

廣陵思王子

劉千秋

明帝孫新平侯

劉無忌

伯升曾孫封齊王

劉萬歲

和帝弟廣宗王

劉阿奴

彭城靖王子竹邑侯

劉伏胡

改封樂安王

劉常保

清河王慶弟封廣川王

劉安國

陳敬王孫耕亭侯與濟北王安國各一人

劉席威

清河王慶子

劉延平

樂安王寵子封清河王

庶姓

田終術

莽長安令

張長叔

俱洛陽人莽義和命士食貨志

韓持弓

龍頷侯莽敗乃絕
韓王信傳

國遊先

隗囂拒蜀侯
漢紀

言城生

吳人劉聖公時武當都尉真誥

楊子阿

馬援表

王元才

王與子光武封北平侯

王益才

安喜侯

王顯才

蒲陰侯

王仲才

新市侯

王季才

唐侯所謂中山五侯也

河北記

張仲師

潁川人長一丈二寸

鄒伯奇

周長生

會稽人住洞歷

袁文術

臨淮人

龐少都

陳留人

董仲綬

東成令

蔡伯偕

扶風人

張孟嘗

鬱林太守

李子長

大理 以上俱論衡

劉廣世

佐七具

陳正叔

魯國人光武時太官令謝承後漢書載

李仲芳

馮衍傳

杜子春

緱氏人永平初年九十周禮

黎伯卿

吳漢傳

王堅石

王梁傳

耿文全

耿况孫

耿無禁

弁曾孫

陰萬全

陰具曾孫

鄧甫德

廣德弟

鄧廣德

訓孫

鄧廣宗

悝子

竇萬全

融曾孫

竇會宗

萬金子

右師細君

包成傳

鄭石讐

宦者鄭衆曾孫

夏長思

李章傳

魏伯陽

會稽人

徐景休

青州從事

淳于叔通

俱參同契

薛安期

侍御史

唐書世系表

鄧伯夷

憚孫

張漢直

俱風俗通

李文德

越雋太守

延篤傳

謚仲文

字臺漢荊州刺史

豫章記

臯仲通

字奉御漢議郎

吳地記

劉智茂

延熹時

五行志

薛山塗

安期孫馬邑都尉

鄭子賤

李固傳

華陽國志作趙子賤

夷長公

趙孝傳

楊春卿

鄭伯山

楊厚傳

陳堅卿

元子

虞長卿

湖陽大姓見馮魴傳

鄧荆鳳

彫弟

劉千秋

安帝時越騎校尉

樊長孫

百官志

鄧萬世

河南尹

陳蕃傳

羊元群

黨錮傳

范延壽

廷尉 謝承書

杜季貢

漢陽人

吕叔都

並西羌傳

劉德升

字君嗣潁川人桓靈世以行書擅名 書斷

郭伯道

書品

師宜官

南陽人

薛文伯

山陰孫龍邱令

張曼成

黃巾 朱儁傳

張子禁

桓帝美人外親 襄楷傳

傳道流

北地人靈帝殿中將軍

劉道恭

張光期

皆後漢時人學道在黃屋山

張礼正

漢末在衡山 俱真誥

張平仲

盧奴人光和中上谷太守

劉定興

蕭縣人 熹平時 撰水經注

張季札

陳留人 劉翊傳

董彥具

橋玄時卜術士 風俗通

成武丁

桂陽人

虞偉高

何顥傳

蘓正和

武都人 蓋勳傳

辛玄子

字延期隴西人漢明帝時建議大夫真誥

范幼冲

漢尚書郎真誥

周文光

安帝時平原賦

趙安世

魯相躬躬傳

廖孟舉

廖偉舉

扶子

石敬平

戴封傳

張道陵

神仙傳

趙商子

字子聲河內温人博學有秀才

鄭玄自序

張孟成

肥如侯 唐世系表

張恭祖

東郡人 鄭玄傳

蔣子文

廣陵人漢末秣陵尉 搜神記

樂長治

咸陽人桓帝中書郎 真誥

左喬雲

綿竹人

楊文芳

武陽人漢中太守

王延世

字長叔資中人光祿大夫

張亮則

字元修南鄭人靈帝時群牧太守

劉巨公

大鴻臚南鄭人

秦宜祿

秦朗父呂布將 獻帝傳

侯武陽

焦先傳

史堅元

陳留人

相仲華

陳郡人

孟陶謙時名士

袁元長

紹族

袁春卿

元長子魏郡太守

魏志董昭傳

崔巨業

眭元進

鮮于仲簡

韓莒子

呂威璜

俱袁紹將

曹瞞傳

劉緯臺

卜師

李穆子

販繒

樂何富

賈人 並公孫瓚客 英雄記

東方安世

漢末彈碁工 典論

傅石甫

隋經籍志

劉武良

建安時石工 樊敏碑

劉雄鳴

藍田人建安中小將 魏略

周不疑

字元直零陵人 先賢傳

龐德公

字尚長見宋書

王偉卿

長安人 華陽國志

張遷壽

漢穀城長東平有碑

趙建章

河南人年十二拜童子郎減洪傳

李相如

隴西太守

董君雅

卓父

北宮伯玉

湟中義從 董卓傳

崔元平

太尉烈孫州平兄 梁祚魏國統

韓子方

學士熒道人

赫伯都

烈士閩中人

婦人

郭聖通

郭后諱

陰麗華

陰后諱

劉義王

武陽公主

劉中礼

涅陽公主

劉紅夫

館陶公主

俱世祖女

劉小娘

平臯公主

劉小迎

乘平公主

劉小民

成安公主

俱肅宗女

劉侍男

涅陽長公主

劉別得

舞陰長公主

劉久長

濮陽長公主

劉直得

平侍長公主

並清河孝王女弟

劉成男

冠軍長公主

順帝女

梁女瑩

桓帝后

馬宗姜

敦女

李羽生

中山簡王婢

樂成王傳

胡金盈

胡廣女

蔡邕

劉秦瑛

劉巨公女楊元珍母

韓樹南

趙子賤妻

楊礼珪

元珍女

張禮修

趙伯高婦

杜泰姬

南鄭人趙宣母

陳順護

陳惠謙

張亮則妻

曹貞玦

字牛瓊玉牛鞞人 俱華陽國志

黃景華

司空黃瓊女

周爰支

安成人河南尹周暢女

趙素臺

幽州刺史趙熙女

竇瓊英

武妹

趙愛兒

劉虞別駕漁陽趙該姊

張桃枝

沛人司隸校尉朱寓母

張姜子

西州人張濟妹

郭芍藥

度僚將軍郭審女 俱真誥

張玉蘭

張衡靈真女 集仙錄

佔俾曰陳心叔名疑考據精洽然亦謂東漢三

國無二名者蓋因襲前人之說余讀三國諸紀

傳二名頗不乏第多東漢末人至鼎足後則誠

罕覩而傳有周生烈朱建平等固不盡無也又

陳壽多以字為名今第錄其灼然者

周生烈朱建平並魏志有傳三國志傳中二名

者惟此二人

佔俾原列三國二十八人誤八

周生烈

嬰按王肅傳末云魏初徵士敦煌周生烈亦
歷注經傳頗傳于世則未嘗有傳也又注曰
臣松之案此人姓周生名烈何晏論語集解
有烈義例餘著述見晉武帝中經簿裴氏之
說甚明元瑞可謂鹵莽而芸矣

張平世

先生傳 按先生傳張世平中山人非平世

祝公道

閻溫傳注 嬰按魏畧祝公道在郭援軍引

出賈逵而魏志云郭援謀人祝與公道蓋與
字猶孫嵩字賓碩魏略只記賓碩而不云名
嵩也

陳承祐

華長駿

佔保云見管輅傳注 嬰按閻續作管輅傳
云前長廣太守陳承祐口受城門校尉華長
駿語云昔其父為清河太守名輅作吏考晉
書華廩字長駿為城門校尉時太康末也輅

卒于正元三年即長駿非字不得為魏人且
承祐亦晉人

趙君安

龐烈婦父

龐子夏

附龐涓傳注龐烈婦夫也

龐娥親

即樂府龐烈婦名附注甚悉

以上並佔俾 嬰按魏志龐涓字子異表字

人外祖父趙安為李壽所殺母娥刺壽于都

亭據則趙名安女名娥耳注引烈女傳作趙

君安龐娥親蓋皆其字也子夏即涓父胡氏

知娥親為子夏之妻而不知涓為子夏之子

子夏于子傳名雖不附然可知其是字矣娥

親姓趙且為龐氏父婦而急報父之仇不繫

之趙而擊之龐抑何與

今補三国時遺人

郭攸之

南陽人侍中 出師表

李意期

蜀人 神仙傳 先王時

許叔龍

費禕傳

上官子修

姜維傳

司馬勝之

字吳先 綿竹人 景耀末 孝廉

華陽國志

曹吉利

太祖名 魏志注

呂伯奢

成臯人 魏書

高元呂

太祖時善相人 魏略

王九真

馮翊人 善園棊 博物志

宗子卿

南陽功曹 曹瞞傳

陳叔山

東陽人 華陀經

左延年

杜夔傳

張玄賓

定襄人 魏武時舉茂才

范叔勝

北地人 魏文黃門郎 俱真誥

宋士宗

清河人 黃初時母化為鼈 宋書

王伯綱

魏明帝時城門校尉 真誥

王惠陽明

明帝時酒泉太守 黃明傳

尹更生

明帝時 古今注

田彭祖

豫子

劉望之

虞兄

張翁歸

既子閔內侯

劉寶賢

齊王芳冗從僕射

晉景帝紀

孔晏又

正始八年諫議大夫

王周南

中山人正始中襄邑長

宋五行志

尹大目

曹爽時殿中校尉

鄭小同

高貴鄉公侍中五更

孫廣田

卽孫登

真誥

楊文宗

元皇后父魏通事郎 晉外戚傳

王飛臬

王金甍

俱王凌子 魏氏春秋

劉玄石

魏都賦注

滿長武

寵孫大將軍掾

郭玄信

陽翟人

趙元儒

沛國人 鄴市長 石苞傳

楊元鳳

梁書劉杏傳

王弘直

列人典農

劉長仁

勃海人 安德令

紀玄龍

並管輅傳

鄧玄之

呂蒙傳

王廬九

琅邪人孫叔夫人父

曹不興

善畫

吳錄

王文雅

南陽人孫權夫人弟封亭侯

吳太文

壽春人

王凌時

神仙傳

倪彥思

嘉興人

錄異傳

陳世京

孫休侍郎

晏賢生

步騭外甥

徐宗度

呂悌司馬

俱真誥

孫彭祖

皓名

婦人

鄭天生

鄧芝母

薛靈芸

魏文帝美人常山人後改名曰薛夜來

拾遺

記

莫瓊樹

田尚衣

段巧笑

並魏文帝宮人 古今注

郭叔香

王修母

張春華

司馬懿夫人

李惠姑

夏侯玄婦

羊徽瑜

司馬景王師夫子後稱太后

王魯連

范陽人王伯綱女李子期婦

王元姬

肅女司馬文王昭夫人後為太后

孫魯班

字大虎

孫魯育

字小席俱孫權女

施淑女

山陽人施績女

孫寒華

孫賁孫女 真諾

劉桃樹

下邳劉方女 華穆妻 列女後傳

同姓名

佔俾曰梁元帝有同姓名錄邱光庭有同姓字錄其書各一卷皆不傳唐以前時代較近要不足以盡之唐以後絕無踵作者予嘗欲為一書續之未能也頃屏居郭外蕭然半榻僅唐史一編在案頭日取閱之其中姓氏相同者頗自不少而世第共傳李益韓翃教人因益取裨官雜說凡唐一代名姓相同者數十百人類而錄之以為廣見洽聞之助其已見王長公苑藝危言附錄及陳心叔名疑者亦不復入然名疑引載僅李光進盧貞五人庖言及卽氏類藁相同也

諗曰古史質簡士之不能流芳遺臭者鮮列于編故姓名虽同表見者少時查益近紀載漸繁至唐史而爛然矣佔俾所錄唐世諸人其單名而同者宗室得一百三人庶姓則三十耳于中二名同者僅二十五人而猶多譌舛予既稍為辨析又意一字命名徑而易犯兩字為諱支而罕同願其同者

亦復不少因搜唐書中二名之相襲者得二百五十餘人著之于後以濟元瑞之師若單名同者不復更采亦為不勝收也然李氏所以最多者蓋其盤根之大世系獨詳而賜姓又時有之庶姓非宰相之族不載系表間得之列傳中以是不免寥寥焉耳

二李道宗

一江夏王字承範有傳 一趙郡李氏長洲

丞錫子 又北齊直閣將軍鮒馬都尉

二李建威

一高祖太子 一郟王後宣州士曹參軍

二李元吉

一高祖子巢刺王 一建中四年李希烈陷

汝州執州將李元吉去

二李元方

一高祖子封周王 一睿宗惠莊太子玄孫

禮泉令

二李元礼

一高祖子徐康王
一僖宗時李琢行營將
二李元則

一高祖子彭思王
一武安公後并州刺史
又後魏清河太守見孫綱傳

二李元慶
一高祖子道孝王
一昭陵令

二李孝慈
一淮南王神通子廣平王
一趙郡功曹士

瑜子

二李孝本

一神通子河間郡公見世系表
一刑部郎
中權知中丞有傳

二李義璉

一澤王上金子
一高宗相義琰弟

二李義琛

一高宗孫澤王子
一工部侍郎

二李義珪

一上金子
一趙州別駕希彦子

二李隆業

一睿宗子彭城王羽林大將軍

一雍王

友太冲子藍田令

二李守礼

一章懷太子子封邠王

一東祖勰後損

之子

二李守義

一章懷太子子桂陽王

一猗氏尉述子

二李繼宗

一嗣武陽王降禮國公金吾將軍

一天

祐中秦州連帥見倣戒錄

二李知礼

一滕王元

孫金山公

一隴西人少矯

捷能騎射攻放彈者見冥報記

二李茂宗

一嗣滕王

一蔣王裔

二李恭礼

一寧王孫彭原令

一雲夢王簿大衍孫

二李延之

一右衛將軍 一坊州刺史

二李延年

一嗣淮南王餘杭郡司馬 一陵水令德紹

子

二李行周

一嗣紀王光祿少卿 一昭宗時蜀州刺史

叛附王建

二李景悞

一江夏王道宗子相州刺史 一畢王曾孫

蔡國公

二李少和

一紀王孫王屋主簿 一梁王後江西觀察

使亦見孔戣傳

二李湛然

一嗣滕王殿中監從玄宗至蜀 一屯田郎

中

二李承嘉

蔣王子祭國公煜子 一中宗時鞠五王
功擢光祿大夫襄武郡公朝野僉載云不識字
不辭書

二李承胤

一祭國公煜子 一長水主簿知讓子江州

別駕

二李景融

一淮陽王道明子 一尚書左丞崇基子

二李景仁

一江夏王道宗子字宗楚子為潞城令 一
寧王後登進士第容管經略使左庶子

二李思順

一中山王 一嗣趙王

二李承休

一郇王魯孫 一吳房舍見子泌傳

二李思忠

一襲郇國公婺州刺史 一武宗時盟沒斯
歸化封王賜姓名

二李思誨

一楊州叅軍即林甫父

一潁州司馬

二李匡遠

一道王孫字聖父

一曹王孫

二李仁濟

一道王孫鴻臚卿紹封子

一樑陽令

二李從簡

一寧王後漢復等州刺史

一渤海王後穀

城令

二李弘度

一渤海王房洛交主簿

一寧王房榮州刺

史

二李李真

一越王孫高平令

一劉李真高祖時石州

都督賜姓李

二李仁鈞

一梁王後渭南令房子

一南昌令

鹽鐵

侍御史見異聞錄

二李僖伯

一渤海王後鳳州刺史
一隴西人元和九

年温縣令見乾曠子

二李公輔

一征虜將軍士高子
一大鄭王後河東節

度使說子

二李若思

一蔣王孫廣州司馬
一櫟陽令仁濟子

二李万叔

一蔡王後右金吾大將軍
一紀王後商州

錄事參軍

二李餘慶

一國子祭酒隴西郡王
一嗣濮王

二李友諒

一讓皇帝後
一蜀王後延州司馬

二李承規

一蜀王後六局丞
一嘉興尉漸子

二李士瞻

一宗正丞 一都官員外郎尚德子

二李延祐

一許州司馬宣德子信王府功曹參軍 一

東光令仁縉子益州司士參軍

二李楚珪

一江王孫隴西郡公太常卿 一象州司法

參軍

二李處約

一蔣王後 一處義兄

二李仁軌

一李孝伯之裔仁則兄 一王屋主簿少和

子

二李餘福

一蜀王孫 一尚書乾祐子監察御史

二李師素

一畢王後殿中侍御史 一殷州刺史得璉

子

二李若水

一右金吾將軍
一太子文學

二李義方

一蜀王府
一遼東李氏

二李維城

一蔣王裔
一監門衛帥府兵曹參軍

二李宗師

一高宗相安期子郵城令
一檢校工部員

外

二李尚義

一桂州長史
一潤州刺史玄道子右庶子

楊州刺史

二李少連

一宗正少卿
一郡州司戶參軍

二李弘慶

一寧宗洛水主簿
一金州刺史

二李從古

一蔣王後
一城父令蘇子

二李玄同

一宗室淄州刺史陳國公 一度支員外郎

二李昭業

一梁王後字延章 一冀州士曹參軍

二李思慎

一郇國公孝協子 一嶺南涅戶殺都護劉

延祐者

二李承祐

一曹王後 一乾符時天平軍都將

二李宗礼

一蔡王後 一楊行密牙將

二李行餘

一紀王後穀熟尉幼直子 一蘓州刺史應

子

二李克勤

一渤海王後沅江令 一李克用弟

二李仙童

一蔡王後 一武公安公後蔚州司馬君武子

二李元宗

一蔣王後 一邕州刺史以州印奔黃洞見
通鑑長慶二年

二李從師

一蔣王後 一襄邑王神符後太子左贊善

大夫

二李言思

一郇王後宗正少卿 一蜀王後渠江令

二李元度

一紀王後 一安南經略叅佐見李復傳

二李元道

一宗室為大理司直兼監察御史 一大師孫

二李公佐

一干牛備身 一楊府錄事叅軍見宣宗紀

二李承緒

一渤海王後為南陽令 一李懷光外孫燕

八貞元五年賜姓名

二李上善

一宗室尚輦直長 一玄宗女楚國公主為

道士賜名

二李玄貞

一郇王後宜春令

一女道士即越王貞玄

孫

二李仲文

一高祖時太常卿真卿公并州總管

一遼

東李氏周太宮伯衍子

二李行敏

一隋司徒長史德珪子左威衛長史

一諫

議大夫叔度子

二李安世

一大師子

一字德合相州刺史趙郡公

二李知隱

一宗室為祁王傳

一伊闕丞与弟夏津令

周傳

二李知本

一貞觀初夏津令有傳

一遂州司馬

二李文立

一右衛翊衛
一九門令俱魏黃門侍郎李希騫後

二李正禮

一渤海郡主簿大師子
一江陵令德瑞子

二李元儉

一工部侍郎義琛父
一中書侍郎友益子

潞州司功叅軍

二李玄明

一齊州刺史成紀縣公
一潭州司倉叅軍

二李積善

一本州主簿
一大理評事璘子

二李慶業

一館陶令
一陝州司兵叅軍

二李損之

一長平王叔良後鄆州叅軍
一洛州總管

府典籍

二李玄道

一秦府學士常州刺史
一開元三年右驍

衛將軍

二李乾祐

一武后相昭德父刑部尚書

一建州刺史

二李思孝

一丹陽郡公客師孫夏州都督

一昭宗時

保大節度使

二李中庸

一申州刺史尚詞子

一臨濮令鎮子秘書

少監

二李孟嘗

一趙州人貞觀時右威衛大將軍

一睦州

司倉決孫

二李君則

一曲沃人歎世同居

一即墨人貞觀初王

君操仇家俱見孝友傳

二李玄慶

一陽武主簿

一大中時兗州牙官見列女

傳

二李紹先

一雍王友太冲子

一承嗣子洛州司戶參

軍

二李仁顯

一華州文學 一都水丞

二李延喜

一兵部郎中

一潭州司戶參軍

二李吳公

一貞觀中冀州刺史見地理志

一肅宗相

揆子侍御史

二李延昌

一金吾大將軍涼國公

一平遙令延載弟

二李去惑

一治水人武德五年據城來降

一團練使

文通孫隋縣令死王仙芝

二李延祚

一蔣令

一觀察使李庾子

二李容師

一靖弟幽州都督丹陽郡公 一富水令

二李行偉

一曹王後 一高宗時國子司業見禮儀志

二李崇貞

一高宗光宅益州長史見廣古今五行志

一貞元時趙州柏鄉民見五行志

二李崇鼎

一雲都令緝孫 一江州刺史休仁子字重

周

二李希倩

一中宗時右臺監察御史見子澄傳 一朱

洪駿將即李希烈弟

二李延嗣

一櫟陽令仁濟子 一薦子字耀卿

二李日知

一宗室永王府參軍 一玄宗相

二李從一

一天寶時羅希奭黨 一大曆後表台二州

刺史即詩人李嘉祐別名

二李元絃

一宰相昭德子 一字大綱玄宗相

二李正辭

一六合令 一憲宗時刑部郎中貶荊州刺

史

二李審言

一丹山簿玄素子 一萬壽中長安百姓變

為羊見瀟湘錄

二李光遠

一大師孫元德子 一開元中館陶令因旱

暴卒見廣異記

二李景伯

一中宗時散騎常侍 一豐城丞

二李懷讓

一脩人景龍中御史後歷給事中見李尚隱傳

一同華節度使廣德元年自殺見代宗紀

二李松年

一常熟尉

一先啟二年邠寧奏事判官

二李彭年

一景伯子天寶時吏部侍郎有傳

一開元

時樂工善舞即龜年弟

二李鶴年

一和州司馬即京兆參軍龜年弟

一樂工

龜年弟亦有才學能歌見明皇雜錄

二李若虛

一太子文學若冰弟

一安國觀道士御史

李光交致其罪流嶺南見朝野僉載

二李延福

一光山丞

一偽蜀豐資院使

二李慶遠

一秘書監令問從弟

一中郎狡詐輕險見

僉載

二李思安

一魏全德範孫

一朱全忠將陳留人

二李長倩

一成武全岡子 一合肥全琰子

二李惠登

一雲夢主簿太衍子 一平盧將安祿山反

輕師與聞貞元初隋州刺史有傳

二李商隱

一開元中幽州節度使見孫逖傳 一檢校

工部員外郎有傳

二李光弼

一東祖後隍州刺史啞子 一晉絳等州節

度使中書令臨淮王有傳

二李光傳

一雞田李氏河東節度使守司徒有傳 一

柳城李氏即臨淮王弟鴻臚卿 佔俾云唐

兩李光進一光弼弟一光顏兄不知有兩光弼

兩光顏也

二李敬道

一敬業弟 一臨濟司馬玘子

二李玄度

一玄成弟 一君儀子

二李玄珪

一隋儒林郎延壽後 一衛尉寺主簿見孫

渤海傳

二李忠順

一周王府隊正南容子 一會昌二年以金

吾上將軍為振武節度使

二李正元

一散騎常侍休古子 一李載義子見通鑑

二李思義

一中書侍郎友益族 一文宗賜習默啜姓

名

二李思貞

一蔚州司馬君武子 一文宗賜阿歷失姓

名

二李思禮

一長城令 一文宗賜烏羅思姓名見回鶻

傳

二李思言

一倉部員外郎繼州子

一堂邑令

二李正範

一大理丞震孫

一浙東推官仕至九江太

守見雲溪友議

二李彥芳

一陽武主簿玄慶孫

一李靖五代孫太和

中鳳翔司錄參軍有傳

二李克讓

一雲夢令

一李克用弟為南山寺僧所殺

二李元平

一汝州別駕李希烈縛去以為宰相貞元初希

烈平元平流死

一睦州刺史伯誠子大曆

五年東陽寺與女子遇十六年為縣令則在貞

元三年二人蓋同時

二李安期

一石藥子高宗時東臺侍郎三品有傳

一

順州高和縣人元和時與何首烏鄉里親善得

其方服之得長壽見本草注

二李昌符

一李程曾孫字羨夢

一昌言弟鳳翔節度

使光啟三年薛知籌滅之

二李盡忠

一武后時營州契丹松漠都督

一僖宗時

沙陀首領

二李忠義

一淮南降將李憲李勣更其名曰忠義用以破

蔡

一太和中江淮人傭于湖城死見沈恭

禮見廣記

二李維昭

一天復元年同平章事靜海節度使本孫德昭

賜姓名

一李茂貞將蔡州人本符道昭改

姓名在天復二年

三李孝恭

一河間元王有傳

一懷柔父

一僖宗

時鄜延節度使

三李承訓

一建成子武安王

一李多祚子衛尉少卿

一杭州司功參軍

三李承業

一巢王元吉子梁郡王

一蔣王孫

絳州刺史

三李孝節

一淮南王神通子清河王

一三原令見李

義府傳

一亳州譙人穀州長史

三李希言

一嗣鄭王太子詹事

一南祖後禮部侍郎

一肅宗時吳郡太守江南採訪使

三李承義

一隱太子建成子鉅鹿王

一曹恭王後

一蔣王裔史部常選

三李希遠

一字景冲散騎侍郎新豐公

一襄武公承

嘉子同州司兵參軍

一趙郡人晉陽尉

三李懷讓

一蔭人景龍中御史歷給事中見李讓隱傳

一梁王孫溫州刺史蔣國公 一同華節度

使廣德元年自殺見代宗紀

三李少康

一紀王孫唐興主簿 一高平王道孫宋州

刺史見子涵傳 一卑國公景淑子睢陽郡

太守

三李少微

一紀王孫雷澤令 一郇王後江陵令

一李絳深之孫

三李知柔

一雍王後御史中丞 一郇王後滑州觀察

巡官 一嗣薛丞相昭宗

三李元恭

一中書侍郎友益子工部郎中 一吏部侍

郎外孫女崔子孤婚者見廣異記 一大理

少卿久掌選事參義傳

三李思文

一武后時潤州刺史

一同官丞

一太

半令

三李文舉

一紀王孫

一國子祭酒仲思父

一宣

宗大中七年以宗正卿貶睦州刺史

三李承慶

一將王後吏部常選

一李成式將降于永

王璘

一昭宗時定難軍節度使

三李元輔

一紀王房常州司兵參軍

一蔡王後

一金板令正議子

三李承先

一曹王後

一江王後

一哥舒翰守潼

關時步將

三李處厚

一將王後

一東祖房

一太湖令彥子

三李守一

一宗室開封令 一敬玄子成都郡令
一大亮子庫部員外郎

三李紹宗

一將王曾孫嗣王 一將王裔孫 一江
王孫桂州長史尚義子 佑果錄二人

三李若愚

一鄭惠王孫 一建德尉洙孫 一蜀州

司兵參軍

三李士衡

一蔡王後 一武德末鄒州刺史為人所殺
一趙州刺史

三李長卿

一武德時岷州總管 一子真子 一建

中二年李納守棣州將以城降

三李嗣真

一玄宗子封棣王 一字承曹武后時潞州
刺史有傳 一太常卿

三李公敏

一武后相懷遠父
一北海太守邕曾孫
一河東節度使說子太子通事舍人

三李嗣業

一高陵人衛尉卿有傳
一雍王友太冲子
同州司功參軍
一王師範副使降朱全忠

三李知古

一李密子右臺監察御史李行
一睿宗初

雋州刺史為諸蠻叛殺
一李泌族

三李光庭

一始臧房泉州刺史構族
一肅代時滑濮

節度使
一廣明元年汝州募軍過東都作

亂見通鑑

三李承嗣

一鳳洲刺史
一楚州刺史有子禪居廣陵

宣平里見稽神錄
一克李用榆次鎮將馬

門人後奔楊行密

三李仁表

一濟陽長君昂子
五一薛嬀能王蜀刑部

侍郎見錄異記 一雲安民多積金為蜀將
張彥所攫見北夢瑣言

三李守節

一東王子 一隍州令嘉子光化令 一

神策軍使見楊復恭傳

三李元素

一武后相附敬弘傳 一希猷子 一字

太朴元和時戶部尚書有傳

三李敬業

一敬節弟 一李勣子 一汲令

三李敬玄

一高令宗相 一平陽令 一堂邑令思

言子

三李仁則

一仁方弟 一山壽子 一仁軌弟

三李惟岳

一華陰太守懿子監察御史 一趙人字謨

道元德秀門弟子 一李寶臣子反傳首京

師

三李元規

一慈邱全元楷弟

一監察御史元道弟整

屋尉

一與兄文會皆在李師古幕下元規

辭去

三李師旦

一新豐人任會稽尉為御史蘇味道所按見廣

記啖鄙類

一桐廬全見李尚隱傳

一

右領軍錄事

三李行修

一江西廉使王仲舒婿官至諫議大夫見續定

命錄

一淮西將李祐子年三十餘為南海

節度使見獨異志

一長慶中殿中侍御史

舉費冠鄉孝節見接言

三李敬彝

一宣城令

一蘄州刺史應子

一鄭注

鳳翔節度使司馬

四李龜年

一京兆府司戶叅軍

一開元中樂工能歌

善羯鼓見明皇雜錄

一與魏仍同選得斬

縣丞見定命錄

一廣時明嗣曹王為宗正

少御使南詔見通鑑

四李元立

一蔡王後青州司法叅軍妾子

一蔣王後

松滋令樞子

一紀王後同州司馬文通子

一鳳翔節度使惟簡子具平尉

四李文通

一紀王孫同州司馬

一郇王孫壽州縛團

練使破蔡州有功

一河南府叅軍琳子

一貞元十二年昭義將率洛州兵民奔田緒

四李全交

一江王孫 一監察御史武后時酷吏與李

嵩王旭歸三豹全交又歸人號頭羅刹 一

開元初御史糾張鷟 一東祖勰房忠州司

馬

四李公度

一紀王房吉州文學 一朔方節度使
一陽翟尉 一李師道親近將 一乾

五李思恭

一李晟祖金吾 一韶州刺史 一君壽
子 一僖宗廣明元年夏州將 一乾寧
三年蜀州刺史節度叅謀見廣異記

五李玄乂

一潤州刺史 一洛陽尉仁方子 一許
州司公叅軍德矩子 一玄操弟 一諫

議大夫叔度父俱見世系表通典載永徽元年
御史大夫李乾祐奏有少監主簿李玄乂

五李思敬

一宗室襲濟南公 一武安公後 一討
契丹大將胡人也見薛訥傳 一肅宗時內
侍宣慰思明者 一昭宗時保定節度使思
孝弟武定節度使降王建

二王嗣宗

一江都人善書見張懷瓘書斷 一國子司

業宰子肅宗相巧族

二王同人

一武后相璿子泗州刺史

一亳州刺史光

祿少卿

二王德本

一西臺舍人

一高宗相德真兄鄧州刺史

二王守一

一貞觀初洛城布衣自稱終南山人常負壺賣

藥後乘蛇去見大唐奇事

一特進仁皎子

與玄宗皇太后雙生封晉國公太子少保

二五行本

一武德元年蒲州帥二年降

一世克兄子

封荆王

二王重榮

一順宗后弟官至福王子

一河中節度使

太尉琅邪郡王有傳

二王重榮

一順宗后弟官至福王子

一河中節度使

太尉琅邪郡王有傳

二王仙客

一太原人太常博士

一襄陽人富平縣尹

竊劉無雙以逃者

二王士則

一國子司業宰子為挽郎

一武俊子神策

大將軍邢州刺史

二王承慶

一西臺舍人德本孫駙馬都尉

一承宗弟

為李師道親將

二王魯卿

一集州刺史洺子

一太學生第進士有名

見陽城傳

二王元士

一天寶時襄陽處士補充倉子 一憲宗時

李師道遣殺武元衡人名畫評宋初有汝南人

王士元品入神妙

三王知古

二琅玕人會稽令深子 一昭宗樞密使

一太原人成周貞士與張涉方共獵者見三水

小續

二崔慎微

一汾水令 一復州刺史

二崔玄亮

一字晦叔潞州刺史 一屯田郎中釋之祖

三崔貞固

一太原榆次尉見子戎傳 一肅宗相圓祖武

功主簿

一亳州刺史神鼎子

三崔敬嗣

一則天初房州刺史 一中宗時益州長史

俱見崔光遠傳 一淮南節度使從孫太子

詹事

二張玄素

一蒲州人太宗太子右庶子潮州刺史有傳

一洛陽人天授初任黃梅宰年七十報應經

二張玄靖

一許紹壻追蕭銑將復其兵 一陝人自左
衛倉曹拜監察遷殿中見廣記嗤鄙

二張萬歲

一武德時劉武周將張萬歲與尉遲敬德降唐
初太僕掌廐牧 一安祿山腹心張通儒父
俱見通鑑

二張仲綽

一挾子 一挹子

二張仲文

一始與九齡族孫 一太宗時茂州埋童自

二張仲文

稱天子見張亮傳

二張仲連

一端州刺史掇子 一南安都護應子

二張仲清

一始與張氏殿中監九臯孫 一文宗時鳳

翔監軍使

二張仁愿

一武后相有傳

一存敬子事梁唐晉常為

大理司見五代史

二張守珪

一陝州河北人節度使羽林大將軍有傳

一九隴種茶仙君山過陽平諡仙見仙傳拾遺

二張文蔚

一仁化令端子

一天平節度使楊子字在

華相哀帝

二張弘讓

一仁化令端子

一天平節度使楊子字在

華相哀帝

二張弘讓

一循州錄事參軍

一元和末壽州小將娶

兵馬使王暹女重疾自額鼻手股中分半者見

乾膜子

二張克勤

一大尉茂昭子長慶中左武衛大將軍有傳

一舉明經登第為利州葭萌令見廣記悟前生

類

三張守一

一貞觀中御史時董雄李敏敬玄俱繫張守一

宿直守之見法苑珠林一 一乾元時大理

少卿有鬼報德為竊士人家女武后時流嶺表

見廣異記 一滄州景田里人來廣陵高駢

以真仙待之 妖亂志

二陳子良

一解文章太子學士貞觀六年東海公取為記

室 一同時綿州人不識文字見冥報記

二陳季卿

一江南進士乘竹葉舟還家見纂異記 一

劉從諫部將見仇士良傳

二陳正儀

一陳少遊子見竇叅傳 一大理評事見趙

博宣傳俱德宗時人

二盧嗣業

一河東節度使簡求子字子通禮部郎中

一河南恭軍士瓊子

二盧居簡

一荊國公玄卿子

一金吾兵曹恭軍

二盧萬石

一司農卿昌平公

一監察御史昌平縣侯

三盧知遠

一資州刺史

一宣宗相裔子

一青州

恭軍行嘉子

二朱敬則

一冬官侍郎

一庫部員外郎皆誅二張功

臣見通鑑注

二劉仁軌

一高宗時宰相封樂城公有傳

一僖宗中

和末洪州刺史時李智脩燒銀易衣仁軌好其

事為人可告遁去稽神錄

三劉從諫

一與許叔異降史明見李光弼傳

一劉悟

子 一上元二年岐王珍謀逆同謀右羽林

大將軍劉從諫斬決見屠宗諸子傳

佔畢

載許州異將及劉悟子二人

二杜思古

一懷州參軍

一吉州刺史

二楊志誠

一武后時吏部郎中見李嗣真傳

一河東

牙將文宗擢節度副大使進尚書有射右射僕
有傳

二楊崇禮

一汾州刺史譽之子

一尚衣奉御正道子

太府卿戶部尚書

二裴光庭

一馮席玄孫玄宗宰相

一萬席後和州刺

史旭子戶部侍郎延齡兄

二鄭光庭

一海州倉曹參軍

一貝州參軍

二鄭過庭

一鞏洛府別將

一蔭令

二唐嗣宗

一朝請大夫茂言子

一巴隆參軍貞諒之

子

二唐抱一

一魏令文會子

一河南令簡子字玄珍

二唐思忠

一左翊衛

一宋城令讓德子

二唐籛金

一南鄭丞去俗子

一金部員外侍郎不占

之子

卮林卷之十

卮林補遺

疑白

蘓小

徐凝劉禹錫皆元白同時人又羅隱蘓小墓詩
魂分橋李城猶未有人耕則蘓小墓在嘉興信矣
然杜牧悲吳王城詩吳天宮殿柳含翠蘓小宅房
花正開則蘓小家似在蘓州李商隱送李郢之蘓
州詩蘓小墳今在否紫蘭香徑與招魂黃浦寄
蔣先輩在蘓州詩夫差宮苑悉蒼苔攜客朝遊夜

未回塚上題詩蘓小見江頭
酌酒伍員來千載三
吳有高蹟席邱山翠益崔嵬
則其墓又在蘓州地
也

釋王

北堂

遊子吟洪邁萬首唐絕以為孟郊而文苑英華作
華陰尉聶夷中詩夷中字坦之咸通十二年間進
士

附王

貝獨坐

華嶠譜叙曰華歆能劇飲至石餘不亂衆人微察
常以其整衣冠為異江南號為華獨坐伯厚所謂
古賢者豈因獨坐而設以華為貝乎然華子魚亦
惡得賢

彈高

鰻魚

續博物志曰石決明亦名九孔螺蘓子瞻鰻魚行
云漸臺人散長弓射初噉鰻魚人未識西陵衰老

總帳空肯向北河親饋食肉兩雄一律盜漢家嗜
好亦若肩相羞食每對之先太息不因噎嘔緣瘡
痂中間霸據閩梁隔一枚何啻千金直百年南北
鮭菜通往、殘餘把減獲東隨海舶瑯倭螺異方
珍寶來更多磨沙滌瀉成大哉刑蚌作脯分餘波
君不聞蓬萊閣下馳暮島八月邊風備胡獠船舶
跋浪電鼉震長鏡鑿處崖谷倒膳夫善治薦華堂
坐令雕俎生禪光肉芝石耳不足數醋芼魚皮真
倚墻中都貴人珍此味糟汜油藏能遠致割肥方

厭萬錢厨决皆可醒千日醉三韓使者金鼎來方
奩餽送煩輿臺遠東太守遠自獻臨苗掾吏誰為
材吾生東歸以一斛包直未肯鑽華屋分送羹材
作眼明却取細書防尤讀此歌浩衍奚僅襲美之
片辭也

削藁

蔡邕集楊賜匡輔本朝忠言嘉謀造膝危辭言听
計訥亦不敢宣參識潜功貽于帝躬家無遺草論
者不見

本朱
人生如寄

高僧傳謝安与支遁書曰人生如寄耳頃風流得意之事殆為都盡終日戚戚觸事惆悵惟遲暮來以晤言消之一日當千載耳又臨淵明榮木詩曰人生若寄顯賴有時

述洪

耆英

米元章十老燕集叙曰十老會後更名耆英又名

真率元豐間章岵守郡与郡之長老游各飲酒賦詩余以杭州從事罷經由為作序曰中散大夫河間公靜鎮吳月闈郡齋會九俊老惟内閣清河公正議大夫廣平公大大夫濮陽公朝議大夫清豐公朝議大夫彭城公朝議大夫徐公朝散大夫鄭公承議崇君奉議郎黃君咸傾碩德天賜難老于是羽觴屢酬雅章迭作以襄陽米芾倦遊四海屬為序引此序六稱官闈姓氏不著其名然可知元豐間吳郡又有十老也

舞衣歌扇

王勃春思賦曰斂態調歌扇迴衣正舞衣錢起宴
東亭詩舞彩^衫招戲蝶歌扇隔啼鶯崔嵬西亭宴陸
郎中詩塵隨歌扇起雪逐舞衣迴王建田侍宴席
詩整頓舞衣呈玉貌動搖歌扇露金鈿

石尤

楊用修外集石尤江中竊名此竊出必有惡風舟
人目打頭風曰石尤猶嶺南人曰媿母黃河人曰
孟婆也 用修此解似得之但亦未見所出且以

為水蟲太么麼矣

論何

五平五仄

孔平仲有還鄉展省詩中寄豫章僚友四聲詩載
宋文鑑但惜佳語無多

朱碧

維摩詰經曰解脫是道場能背捨故摩注曰觀青
為青觀黃為青捨有境界從心所觀謂之背捨此
又一別解也惟蘓子瞻金山醒詩我醉都不知但

覺紅絲眩與太白意合

注五

解鳥獸語

梁高僧傳曰漢雒陽沙門安世高鳥獸之聲無不
綜達嘗見有群鷄語曰謂伴曰鷄云應有送食者
頃之果有致焉續高僧傳釋慧成姓段陳人專志
玄寂久遠解衆生語言三昧

李膺

國清百錄隋煬帝為晉王使迎智顛次石城稱
疾晉王遺書遣醫李膺往處治按此則有五李膺
也

忽雷

五燈會元有北宗門人忽雷澄撰匾擔山曉了禪
師碑則忽雷又人姓也

匡徐

破鏡

王昌齡詩漫道閨中飛破鏡猶看陌上別行人若
以為卑飛之獸可畜之閨中乎李程破鏡飛上天

賦曰何新月之娟嬋如破鏡之上天微茫而桂樹
猶泣彷彿而菱花不全皓色減去清光獨懸開玉
匣而尚在指金波而未圓漸明海澨遠掛關山載
重輪而易缺思鞞帶而莫攀霽景澄寂沈寥凝碧
非迴輝而照膽徒向晦而淪魄洞房未掩過臺上
而不歸斜漢微低入窻中而猶隔正當殘夜偏稱
高秋似逃秦殿前上庾樓疑燭以從草類織
而若鉤坐惜雲曙行愁漏從暈猶未合無陳方士
之灰點不可磨空負先生之局若如徐解則此賦

應被點矣

洗梅

杜畫

蘇軾和陶詩不持兩瓶酒肯借一車書一甌之解
已見於斯

諗胡

短人

諗人列子作諗人嵇康答難養生論曰務光以
蒲韭長耳其非身長七寸亦一顯證

女官

後漢書順帝詔賜沛王祖母周光祿大夫贈以妃
印綬則婦人又大大之秩漢紀瑯琊女母為子報
怨聚眾類百人自號將軍朱書顧琛母孔氏年百
餘歲晉安帝隆安初琅瑯王廞于吳中為亂以女
為貞烈將軍悉以女人為官屬以孔氏為司馬女
將軍女司馬倅年百餘不能服軍政又振古之
奇婦人也

達

高僧傳支公龍淮陽人少以風姿見重陳留阮瞻
穎川庾敳並結知音友世人呼為八達聖賢群
輔錄作于江表分故云之傳聞異辭

徐匡鈞

續漢書荆洲牧北歸隨馬武還擊之鈞收車屏泥
殺云駭乘徐匡鈞之翁陰就車蓋同此云

